

10 17 21



ივერია

ქართული ეროვნული პოლიტიკის ორგანო
პერიოდული გამოცემა

L'organe de la politique nationale Géorgienne
„IVERIA“

Directeur E. PATARIDZE.

სარედაქციო კოლეგია.

თ ბ ზ ე რ ვ ა ლ ი 1956

N° 8

FÉVRIER 1956

შ ი ნ ა ა რ ს ი ;

გლოვის დღე	
თბილისი (ისტორიული ცნობები)	
მსოფლიო ბედის უკუღმა ტრიალი	ელ. პატარძე
გასაკვირველი ამბავი	რ. გაბაშვილი
რუსული პოლიტიკის გასაგებად	X
ჩვენი ეკლესიისათვის	რ. ინგილა
რუსული კომუნიზმისაგან მსოფლიოს და- ცვისათვის	X
იძულებითი ერთა სოლიდარობა	ს. ჭირაქაძე
ბოლშევიზმის ფსიქოანალიზი	შ. გალანდაძე
ქართული ეკლესია
ამაო მოწოდება	ვივი
მეთვალყურის შენიშვნები	ღ. ნ.
სხვა და სხვა ცნობები	

საქართველოს ეროვნულ-დემოკრატიული პარტია.
LE PARTI NATIONAL-DEMOCRATE GEORGIEN

პარიზი — PARIS
1956



გვ. 10



ივერია

ქართული ეკონომიკური პოლიტიკის ორგანო
პერიოდული გამოცემა

თებერვალი 1956

№ 8

Février 1956

ბ ლ ო ვ ი ს ლ ო

ი-548

1921 წლის თებერვლის 25-ს. საბჭოთა რუსეთის ჯარებმა, საქართველოს დამოუკიდებელ-დემოკრატიული რესპუბლიკის სახელგერებს, რომ თავს დაესხა, ომის გამოუცხადებლად, ჩუმად და მუხახათურად II თებერვალს, — გასრება თბილისის დამცველი ქართული ლაშქრის წიხააღმდეგობა, და თეთრი თოვლის ზეწრით დაფარული, მსოფლიოს ეს უძველესი და საქართველოს დედა-ქალაქი თბილისი აიღო. ითუღებოთ დასტოვა ქალაქი საქართველოს მთავრობამ, და დამღუპებელმა კრებამ. ახლად აღდგეხილ დამოუკიდებელ საიელმწიფოს, ისევე გარეშე მტრის ცოდვილის ხელით, დაენგრა ბქენი და ფუქენი. ეროვნულმა თავისუფლებამ, ვით დაგვიანებულმა, დაკოდოლმა მერცხალმა ფოთები გაშალა და დასავლეთისაკენ პირი იბრუნა. მრავალჯერ წამებული თბილისის ზღბილდგან ჩამოხსნეს სამფეროვანი დროშა. თბილ ისიდახ უკან დახეული ქართული ლაშქარი რუსის ჯარმა შესცვალა, თავისუფლება — მანობამ, მიიარელება — გლოვამ.

ერთხელ კიდევ დაეცა თბილისი და მასთან ერთად. ჯერ კიდევ ბრძოლაში მყოფი მთელი საქართველო. გულში მიიმედ დაყოდვილი, სისხლისაგან რომ გზადაგზა იცდებოდა. ამჟამო იყო ილიას სულიერი შვილის სპირიდონ კედის პათეთური მიმართვა მთავრობის თავმჯდომარისადნო. თბილისის უკანასკნელ კაცამდე დაცვისათვის. ამჟამო იყო თვით უკანასკნელის დიდი სურვილი და ნებისყოფა იმავე მიზნისთვის. მტრის სიმრავლემ და ძალამ სძლია ჯერ კიდევ დაუგეჟებულ ქართველთა ლაშქარს. ამავე ბედს უმზადებდა დასავლეთისკენ ბრძოლით უკან დახეულ ქართულ ჯარს. კავკასიონის ქედის ყველა უღელტეხილებიდან გადმოსულ და საქართველოზედ შემოსეული წითელი ოფსერის ჯაოები. ქართველების უღირსმა შვილებმა: ჯულაშვილ-ორჯოიკიძემ და მთმა ქმებმა ხელი შეუწყვეს რუსის ხალხის იმპერიალისტური მიზნის განხორციელებას. მათის ხელმძღვანელობით გამოს-

ჭრეს ყელი და დაიპყრეს მათი მშობელი ქვეყანა და ერის მოღალატის სახელით ჩაბარდნენ რუსეთის ისტორიას.

თბილისი, აღმოსავლეთ-დასავლეთის, აზია-ევროპის მიჯნაზე მდებარე ძველი დროიდან დიდი, სტრატეგიული და ეკონომიური მნიშვნელობის ქალაქი, მუდამ იზიდავდა უცხოელ დამპყრობელთ. ჩვენი ისტორიის ხანგრძლივობაში ის მრავალჯერ ყოფილა დაპყრობილი და დანგრეული, იმდენჯერვე განთავისუფლებული და აღდგენილი. ის გადაურჩა თურქმენტა, არაბთა, თემურლენგის — რვაჯერ შემოსევას. ბიზანტიელებისა და ხახაოების მიერ ხგრევა-ძარცვას. არაბების ბატონობას, ხახაოების ძარცვა-გლეჯას. თურქ-ოსმალთა და სპარსთა მრავალ შემოსევებს, ალამაჰმადხანის მიერ უღომობელ ნგრევა-ძარბევას, დაბოლოს მეფის რუსეთის ბატონობას და კავკასიის ფრანტიდან მოხსილ გახულიგანებული ჯარების მიერ მისი განადგურების განზრახვას

ყველა ეს ისტორიული მაგალითები უდაო საწინდარია იმისა, რომ თბილისი მოინელებს, გადაურჩება მის უკანასკნელ დამპყრობელ წითელ რუსეთსაც და დამოუკიდებელ საქართველოსთან ერთად აღსდგება ვით ჩვენი წამებული სამშობლოს დედაქალაქი. მისი და საქართველოს დასაცავად თუ მისი თავისუფლების აღდგენისათვის უსწორო ბრძოლებში დაცემულ გმირთა იქ გათხრილი საფლავები, უდაო საფუძველია ჩვენი შეუჩყველი იმედისა და რწმენის.

თ ბ ი ლ ის ი.

(ისტორიული ცნებები)

თბილისი მსოფლიოს უძველეს ქალაქთა რიცხვში ითვლება.

თბილისი ახალი წელთაღრიცხვის მე-IV საუკუნის მეორე ნახევრიდან იხსენიება, როგორც ქალაქი. ერთი ძველი ქართული წყაროს ცნობით მეფე ვახტანგ გორგასლანი ააშენებდა ქალაქ თბილისსაჲ, ხოლო მისმა შვილმა დაჩიმ მე-VI საუკ. პირველ წლებში «განასრულნა ზღუდენი ტფილისისანი».

ამავე ხანში თბილისი იქცა საქართველოს მეორე სატახტო ქალაქად მცხეთასთან ერთად. მე V საუკუნიდან თბილისში არსებობდა საეპისკოპოსო. ამ დროიდან ის საქართველოს პოლიტიკურ-კულტურულ და სავაჭრო-სახელმწიფო ცენტრად ხდება. 523 წელს, სპარსელების მიერ ქართველთა მეფის ხელისუფლების გაუქმების შემდეგ თბილისი სპარსთა მარზანის რეზიდენციით იქცა დროებით. მე-VII საუკუნის დამდეგს დამთავრდა კათედრალური ტაძრის «სიონის» მშენებლობა.

627 წელს პერეკლე კეისარმა რომელიც სპარსელებს ეო-

მებოდა ბიზანტიელთა და ხაზართა ჯარებით აიღო თბილისი, დაანგრია და გაძარცვა პირველად.

მეშვიდე საუკუნიდან თბილისი ქართლის ერისმთავრის ადგილსამყოფია. მეშვიდე საუკუნის დამლევს თბილისი არაბებმა აიღეს და საამიროს ცენტრად გადააქციეს. 764 წელს კი თბილისი აიღეს, დაანგრიეს და გაძარცვეს ხაზარებმა. 853 წ. ხალიფას სარდალმა ბულამ აიღო თბილისი, გადასწვა და დაანგრია. ამის პროცესში 50 000 მცხოვრები დაღუპულა. მეათე საუკუნიდან თბილისის ამირები დამოუკიდებელი ფეოდალები ხდებიან. თბილისი კი შაინც დაკავშირებულია გავრთიანების პროცესში მყოფ საქართველოსთან. მისი უკანასკნელ თან საბოლოო შეერთება ხდება დავით მე-IV აღმაშენებლის დროს, რომელმაც 1122 წელს ქალაქი აიღო და სამეფო ტახტი ქუთაისიდან იქ გადაიტანა. 12—13 საუკუნეებში თბილისი ახლო აღმოსავლეთის ერთ-ერთი უდიდესი ქალაქია. 1226 წელს თბილისი ხვარაზმშაპ ჯალალედინმა აიღო, დაანგრია, გაძარცვა და მოსახლეობაც გაეულია. 1231 წ. თბილისი განთავისუფლებულ იქმნა. აქედან ათი წელიც არ გასულა რომ თბილისი აიღეს მონღოლებმა, რომელთა ბატონობა საქართველოში მთელი საუკუნე გაგრძელდა.

მეცამეტე საუკუნის მნიშვნელოვან ნაგებობიდან დღემდე დაცულია ცნობილი მეტეხის ციხე. მეთოთხმეტე საუკუნის პირველ ნახევარში რომის პაპის განკარგულებით, ახლო აღმოსავლეთის კათოლიკე ეპისკოპოსის რეზიდენცია, გადმოიტანეს იქმნა სმირნიდან «განთქმულ და შესანიშნავ» თბილისში.

თემურლენგის რვაჯერ შემოსევა და საქართველოს აზრების შემდეგ მე-15 საუკუნეში თბილისი ისევ საქართველოს მეფეთა სატახტო ქალაქია. მე-15 საუკუნ. მეორე ნახევრიდან მე 17 საუკ. დამდეგამდე თბილისში რამდენჯერმე შემოიჭრნენ თურქმენები, სპარსელები და თურქოსმალნი. მე 17 საუკ. ოცდაათიანი წლებიდან თბილისი ხდება კვლავ ქართლის მეფეთა რეზიდენციად.

მე 18 საუკუნ. შუაწლებში კვლავ გაიხსნა ჩრდილოეთის გზა დარიალზე, რომლითაც საქართველო რუსეთს დაუკავშირდა. ამის გამო გაბოროტებული აღამაჰმადხანი 1795 წლის 11 სექტემბერს თბილისში შეიჭრა უამრავი ჯარით, ქალაქი უღმობლად დაანგრია და დაარბია. სექტემბრის ბოლომდევე იძულებული გახდა თბილისი დაეტოვებინა. ქალაქი კვლავ შენდება და ქართლ-კახეთის სამეფოს უკანასკნელ დღებამდე თბილისი მისი სატახტო ქალაქია.

რუსეთთან საქართველოს შეერთების (1801 წ.) შემდეგ თბილისი «საქართველოს უზენაესი მთავრობის» ადმინისტრაციული ცენტრია. 1840 წლიდან—მთელი ამიერ-კავკასიის. 1845—1917 წლამდე ის მთელი კავკასიის მეფისნაცვლის რეზიდენციად რჩება.

მე 19 საუკუნის პირველ წლებში (მრავალჯერ განადგურებული) თბილისის მოსახლეობა 20.000 მცხოვრებს არ აღემატებოდა, 1865 წ.—71.000—აღწევს, 1897 წ.—161.000 ს.

1876 წელს თბილისში იყო 2.416 სავაჭრო-საწარმოო; 1879 წ.—2.716.—და სავაჭრო და სახელოსნო-სამრეწველო სავაჭრო რაოდენობა—4.790 აღწევდა. ქალაქის ეკონომიურ ზრდას ხელი შეუწყო ამიერ კავკასიის რკინისგზის გაყვანა. 1872 წელს თბილისი რკინისგზით დაუკავშირდა ფოთს. 1883 წ. კი დაქოხდა და ბათუმს. 1900 წ. თბილისში უკვე იყო 5.263 საკრედიტო, სავაჭრო და სამრეწველო დაწესებულება. რომლებშიაც 21.000 მუშა მოსამსახურე ითვლებოდა. მათი წლიური კაპიტალის ბრუნვა 60.000 მანეთს აღემატებოდა. 1918 წ.—1921 წ. თბილისი საქართველოს დამოუკიდებელი დემოკრატიული რესპუბლიკის დედა ქალაქად ითვლებოდა. 1921 წ. 25 თებერვალს თბილისი საბჭოთა რუსეთის ჯარმა აიღო. დღევანდელი თბილისი საბჭოთა კავშირის მეცხრე ქალაქად ითვლება სივრცით, სილამაზითა და კეთილმოწყობით. 1939 წელს თბილისის მსახლეობის რიცხვა 519.175 კაცს მიაღწია.

მსოფლიო-ბედის უკუღმა ტრიალი.

მეცხრამეტე საუკუნის მეტად შინაარსიანმა ეპოქამ. პიროვნების თავისუფლებასთან ერთად მთელი მისი სიმძიმით, მსოფლიოს წინაშე დასვა ეროვნებათა თავისუფლების საკითხი.

—მრავალ სხვა კეთილშობილ საკაცობრიო იდეათა შორის აცოცხლდა და ხორცი შეისხა ეროვნულმა იდეამ. რასიულად მონათესავე ტომები ეროვნულ ერთეულებში დალაკდნენ, ეროვნულს მეგნებას მიაღწიეს და მათ მიერ დასახლებულ მიწა-წყალზე ნაციონალურ სხვდ მწიფოებად ჩამოყალიბდნენ. «ძირიანად და არსებითად ნაციონალურმა ევროპამ შესცვალა მეფრამეტე საუკუნის კოსმოპოლიტიური ევროპა» ამბობს სოროელი. სახელმწიფოს ფუძედ ეროვნული ერთიგვიეობა და ერთობა დაედო. —ესწერდით ჩვენ 1933 წ. «სამშობლო»-ს 15 ნომრის ფურცლებზედ.

თვით ამ ეროვნულ სახელმწიფოების და მათ შორის. იმ ერის მესვეურებიც, რომელთა დიდმა რევოლუციამ წარმოშვა და თეოოიული საფუძვლები ჩაუყარა თავისუფლების იდეებს საერთოდ, ვერ იცავდნენ ინტეგრალურ და ერთგნებათა თავისუფლების იდეებს. საკუთარი სახელმწიფოს ეგოიზმით კატაკტებულნი განაგრძობდნენ ახალი მცირე ერების დაპყობა-დამორჩილებას. ეგრედწოდებულ ევროპის კოლონიალური სახელმწიფოების გვერდით სამი დიდი იმპერია: რუსმალიეთის-ოტომანთა, ავსტრო-უნგრეთისა და რუსეთის დამყარებულნი იყვნენ დაპყობილი ეოების ჩაგვრა-ბატონობა-

ხედ. მათ მიერ დაპყრობილი ერების შეუჩერებელი ბრძოლა, მათი ეროვნულ-სახელმწიფოებრივი თავისუფლების მოპოვებისათვის. ავსებდა მეცხრამეტე საუკუნის ისტორიას.

დიდ სახელმწიფოთა თუ იმპერიათა შორის არსებული მეტაქეობით დამძიმებული ატმოსფერის შავი ღრუბლები გააჩნდნენ, ბალკანეთის კუნძულზედ გასროლილმა ერთმა ტყვიამ; რაც მიზეზი გახდა დიდი მსოფლიო ომისა და ოთხი წლის განმავლობაში განუწყვეტელი სისხლის წვიმებით განბანა ცოდვილი ქვეყანა. ეს მსოფლიო ომი მოკავშირეთა გამარჯვებით და იმავე დროს ორთავე მოპირდაპირე ბანაკში მანაწილე—სამი დიდი იმპერიის დაშლა—დანაწილებით დამთავრდა. დიდმა ომმა მოინელა ავსტრო-უნგრეთის, ოსმალეთის ოტომანთა და რუსეთის იმპერიები. თავისუფლების იდეის სამშობლო საფრანგეთის გულში ვერსალში შეკრებილმა სამშვიდობო კონფერენციამ 1919 წ. ნორმალურ კალაპოტში ჩააყენა, დიდი ომით აბოზოკრებული მსოფლიო და ეროვნებათა თავისუფლების იდეა ნაწილობრივად განახორციელა. დიდ იმპერიათა ნანგრევებზედ ეროვნებათა ათეულები გაანთავისუფლა, თუ განახლებული ეროვნული სახელმწიფოების არსებობას ფაქტიური და იურიდიული ცნობა მიანიჭა: ავსტრო-უნგრეთის იმპერიის დანაწილებისაგან წარმოიშვა ჩეხოსლოვაკია, უნგრეთი და იუგოსლავიის დიდი ნაწილი; სამი იმპერიის შორის განაწილებული პოლონეთი გაერთიანებულ იქმნა და ეროვნულ სახელმწიფოებრივი თავისუფლება აღიდგინა; ოტომანთა იმპერიის მონობისაგან გაანთავისუფლეს და სახელმწიფოებრივი არსებობა აღუდგინეს სირიას და მესოპოტამიას; რუსეთის იმპერიის ნანგრევებზედ ეროვნულ-სახელმწიფოებრივი თავისუფლება აღიდგინეს: ფინეთმა, საქართველომ, სომხეთმა, აზერბაიჯანმა, ჩრდილო კავკასიის ტომებმა, ლიტვამ, ლატვიამ, ესტონეთმა. ალბათ რუსეთში მომწყვდენული სხვა ერებიც მიბძაფდნენ მათ მაგალითს. რომ ბოლშევიკურ რუსეთის უხეშ ძალას არ შეეჩერებინა მათი ნებისყოფა და მიმდევარი წლების განმავლობაში, კვლავ არ დაეპყრა ახლად განთავისუფლებული ერების ნაწილიც.

უნაკლო და სრულყოფილი ამაქვეყნად არაფერია და არც რაიმე კეთდება მიწიერი ადამიანის გონებითა და ხელით. არც ერთი ომის შემდეგ დადებული სამშვიდობო ხელშეკრულება არ ყოფილა უნაკლო. 1919 წლის ვერსალის საზოპირობებშიც არ შეიძლება უნაკლოდ მივიჩნიოთ. ამ კონფერენციის, უდიდესი ზნეობითა და მორალით, თანაც გონებითა და გამოცდილებით უხვად დაჯილდოებულმა პოლიტიკურმა მეთაურებმაც ვერ დააღწიეს თავი გამარჯვებულის ფსიქოლოგიას; ვერ ივარკებლეს ფილოსოფოს პლატონის კლასიკური სიტრინით: «გონება განაგებდეს, გული ასრულებდეს, მადა ემორჩილებოდეს». ამ სიტრინისადმი უყურადღებობით მათ დაუ-

შვეს საზაო პირობებში, ზოგი რამ ისეთი, რაც მეორე მსოფლიო ომის გამომწვევ მიზეზთა თესლათ შეიძლება მივიჩნიოთ. ამ უვარგისი თესლის აღმოფხვრაც შესაძლებელი იყო და ამას ემსახურებოდა მშვიდობიანობის მოციქულ არისტიდ ბრინის თანდათანობით დათმობის პოლიტიკა დამარცხებული, მაგრამ დიდი პოტენციალური ძალის მქონე გერმანიის ვრისადმი. მათ მიმართ ასეთი პოლიტიკის წარმოება, თანდათან დაკმაყოფილებას მისცემდა გერმანიის ხალხსა და ნიადაგს მოუსპობდა იქ უკიდურეს ნაციონალისტურს მოძრაობას, პიტლერის დროშით რომ ომის ცეცხლში შეიყვანა გერმანელები.

მიუხედავად ამ ნაკლისა, უდაოა, რომ ვერსალის კონფერენციის დიდმა მეთაურებმა შესძლეს ყოველივე განმანადგურებელი ოთხი წლის მსოფლიო ომის შემდეგ, წაბარბაცებული კაცობრიობისათვის აღედგინათ მორალური და ზნეობრივი საფუძვლები, სახელმწიფოთა შორის ნორმალური ურთიერთობა დაემყარებინათ და ხელახლა წინსვლის და უკეთესი მომავლისაკენ მიემართათ მისი ცხოვრება.

ვერსალის საზაო პირობებით შექმნილი ცნობილი «კორიდორი» საბაბი გახდა გერმანიისათვის, თავს დასხმოდა პოლონეთს, მთელი მისი სამხედრო სიძლიერით. დასავლეთ ვერსალის სახელმწიფოებმა და შემდეგ ამერიკამაც ომი გამოუცხადა გერმანიას, პოლონეთის დასაცავად. გერმანიის მაშინდელი მოკავშირე საბჭოთა რუსეთი მეორე მხრიდან დაესხა თავს პოლონეთს და მისი ნახევარი ტერიტორია დაიკავა. გერმანეთ-რუსეთის კავშირი, როგორც მოსალაოდნელი იყო, უდღეური აღმოჩნდა და მათ შორის ომი გაჩაღდა. ამგვარად საბჭოთა რუსეთი მოკავშირეთა ბანაკში აღმოჩნდა და მეორე მსოფლიო ომი გაჩაღდა. თავისუფლების ქვეყნებისა და მონობის ქვეყანა—საბჭოთა რუსეთის ურთიერთ დაკავშირება, სჩანდა, კარგს არაფერს მოუტანდა მსოფლიოს. ამ მსოფლიო ომის წარმოებაში ჩადენილი არაჰუმანიური აქტებით გამოაშკარავდა მსოფლიო ცივილიზაციის მორალური და გონებრივი დეკადანსი. ამ ომის დროს ჩადენილი უზნეო და არაჰუმანიური აქტები წაუშლელ სამარცხვინო ლაქად დაჩანდა ქრისტიანულ მორალზედ აღზრდილსა და დაფუძნებულს კაცობრიობას. მათ სიმძიმეს ალბად დიდხანს ატარებს ჩვენი ცოდვილი ქვეყანა.

ოთხი უმძიმესი წლის შემდეგ ეს გაუგონარი მეთოდებითა და საშუალებებით, ყოველივე სულიერი და მატერიალური ღირებულებისა და დოვლათის განმანადგურებელი ომი დამთავრდა, თუ შეიძლება ითქვას, მოკავშირეთა გამარჯვებით: გამბობთ «თუ შეიძლება», ვინაიდან გამარჯვება არ ხასიათდება და ფასდება მხოლოდ საომარ ასპარეზზედ იარა-

ლის გამარჯვებით, არამედ მისი შედეგებითა და ნაყოფით. თითქმის გამართლდა ნათქვამი «ამ ომის შემდეგ აღარ იქნება გამარჯვებული და დამარცხებული» ო. გამარჯვებულ მოკავშირეთა ბანაკში. დემოკრატიულ და თავისუფლების ქვეყნების გვერდით, ბოლშევიკური რუსეთის თანაბარ-მონაწილეობამ, ისეთი თავისებური დაღი დაასვა ომის მიმდევარ ეპოქას, რომ დამარცხებულ, ქრისტიანული ცივილიზაციით ამაცი იტალიის «რეზისტანცებმა» უბრალო კრიმინალივით მოჰკლეს ოციოდე წლის მანძილზე მათი სახელმწიფოს დიდი მეთაური და დაკლული ღორივით ჩამოჰკიდეს საყვარელს «ვიტორინაში» ბრბოს საჩვენებლად. გამარჯვებულებმა დამარცხებულს სახელმწიფოს მეთაურები სამოქალაქო თუ სამხედრო უწყებებსა დაიპირეს, გაასამართლეს და ზანტუბუნდ ჩამოახვეს, როგორც რომელიმე სახელმწიფოს შიგნით კანონს გარეშე აღიარებული ბანდიტები. არა მგონია რომ საერთაშორისო კანონთა კოდექსში უბრალო შენიშვნაც არსებობდეს ამ აქტის დამფარველი. დამარცხებული სახელმწიფოს ეროვნული მთლიანი ცოცხალი ორგანიზმი გასტურეს და შინაურ დიქტატურისაგან განთავისუფლებული მისი ოცი მილიონი მცხოვრებით, დღემდე გაუგონარ უცხო დიქტატურას მისცეს პირში. ასევე მოექცნენ თავისუფლების მოყვარულ კარეიას და ინდო ჩინეთს. ასეთი უსამართლობისაგან დაზღვეული არ არის არცერთი ერი თუ სახელმწიფო, სადაც ბოლშევიკური რუსეთი შინაური ომის ცეცხლს დაანთებს.

გაუგონარი ამბავი: თერთმეტი წელიწადია, რაც მეორე მსოფლიო ომი დამთავრდა და ჯერაც ვერ მოუხერხებიათ დამარცხებულ სახელმწიფოებთან საზოგადოებრივი დადგენის დადგენა. ამის მიზეზი ისაა, რომ ომის დამთავრების პირველი დღეებიდანვე გამოირკვა მოკავშირეთა ბანაკში არსებული უთანხმოება. —წინააღმდეგობანი; ცხელ ომს ცივი ომი მოჰყვა, არა ომის მწარმოებელ ორი ბლოკის შორის, არამედ თვით მოკავშირეთა—თავისუფლების ქვეყნებსა და დიქტატურის ქვეყნის შორის. პირველთა ბანაკში მოჰყვნენ ბუნებრივად მათ მიერ ომში დამარცხებულ ევროპისა თუ აზიის სახელმწიფოები.

კომუნისტური საბჭოთა რუსეთი თავიდანვე დასავლეთის სახელმწიფოების უხვი დახმარებით დადგა ფეხზე. მას არ დაჰკლავია ამ ქვეყნებისაგან მეცნიერულ-ტექნიკური თუ მატერიალურ-ფინანსური დახმარება უკანასკნელი დიდი ომის წინ, საბჭოთა რუსეთი თითქმის მთლიანად ჩადგა ძველი რუსეთის სახდურებში. ის მნიშვნელოვან ძალას წარმოადგენდა და ძველი სლავიანობისა და კომუნისტების აგრესიული სახით ემუქრებოდა აზია-აფრიკის და ევროპის ქვეყნებს. მიუხედავად მრავალი გაფრთხილებისა, დასავლეთ სახელმწიფოების მეთაურებმა საკმაოდ ვერ შეივნეს კარზედ მომდგარი ეს დიდი საფრთხე. მეორე დიდ ომში მოკავშირეთ გაიხადეს და

ნადავლიც მთლიანად მას მიაკუთვნეს; ძველი რუსეთის იმპერიის საზღვრები გადმოალახვიეს და შუა ევროპაში შემოიყვანეს. ამგვარად გაძლიერებული საბჭოთა რუსეთი ახდლად შეუდგა დასავლეთი ევროპის აფრიკისა და აზიის ქვეყნების შიგნით დანაღმვას. ექვსას მილიონიან ჩინეთში კომუნისტური რეჟიმი დაამყარა, ფაქტიურად მისი გავლენის ქვეშ დააყენა და აზიისა და აფრიკის დანარჩენ ქვეყნებშიაც ფეხი შესდგა და მისი გავლენა გააძლიერა. ამგვარად დღიურ წესრიგში დადგა თავისუფლების ქვეყნებისათვის ეს უდიდესი საფრთხე. გვიან მაგრამ. მაინც გამოიღვიძა დასავლეთ ევროპის სახელმწიფოებმა და დიდმა ამერიკამ. გაჩაღდა ეგრედ წოდებული ცივი ომი, რომელზედაც მილიონები და მილიარდები ინარჩუნებენ ორივე მხრიდან. დიდი ომის შეჩერებიდან სრულიად არ ჩამქარა ცხელი ომი და ევროპა-აზია აფრიკის კონტინენტებზე ადგილობრივი ხასიათის პერმანენტული ომები სწარმოებს და სისხლის ღვრა არ შეწყვეტილა. «რკინის ფარდის» ორივე მხარეზედ გაუგონარის ინტენსიობითა და სიჩქარით სწარმოებს მზადება მესამე მსოფლიო ომისათვის, რომელიც გუშინდელ მოკავშირეთა შორის უნდა გაჩაღდეს და რომლის საშიშროება თავზარსა სცემს ორთავე მოპირდაპირეს. დიდი სახელმწიფოების წინ დადგნენ პირისპირ ხალხისა და ისტორიის წინაშე. გახშირდა მშვიდობიანი სიტყვები, საზოგადოებრივი და მოლაპარაკებები. ეგრედ წოდებული «ენევის ატმოსფერის» უდღეური ხანიდან გამოვედით. ომის ატმოსფერისა და მსოფლიოზედ დაწოლილი სისხლით გაუღწეული საწვიმრად განმზადილი ღრუბლების გაბნევა-გაფანტვას კიდევ ცდილობენ დიპლომატები, მშვიდობიანი ფრაზეოლოგიით. ილწვიან და შრომობენ, რომ კეთილშობილი გამოსავალი მოხებნონ. საშინელი პერსპექტივების წარმოშობი მომავალი ომი და კატასტროფა თავიდან ააციდინონ კაცობრიობას. ხალხების ყურადღება მათკენ არის მიპყრობილი.

ერთი მხრით ატლანტიკის სამხედრო პაქტი, რომელშიდაც თავს იყრიან ჩრდილოეთ-ამერიკა, ინგლისის იმპერია, მასში შემავალი ქვეყნებით და დასავლეთ და ცენტრალური ევროპის სახელმწიფოები. მეორეს მხრივ ვარშავის სამხედრო პაქტი, რომელიც თავს უყრის კომუნისტურ საბჭოთა რუსეთთან ერთად აღმოსავლეთ ევროპის ხალხსურ-დემოკრატიულ—მათი გავლენის ქვეშ მყოფ, სატელიტებს იუგოსლავია-ოსმალეთ-საბერძნეთის სამხედრო პაქტი და ბალკანდის პაქტი. ორივე მხრით სამხედრო მზადება თითქმის თავდაცვისათვის. არა თავდასხმისათვის. და ერთმანეთის დასაწყენარებლად, ორივე მხრით ცდა აღმოსავლეთ ევროპაში ერთგვარი ნეიტრალური, ტამპონის როლის აღმასრულებელ ზო-

ნის შექმნისა, ჩრდილოეთის ოკეანედან ხმელთაშუა ზღვამდე-
თანაც საზაო-სამშვიდობო კონფერენციები. ეს ხანა მეტად
წაგავს 1930—1939 წლების ეპოქას, რომელსაც ახასიათებდა
«დიდი ანტანტის», აღმოსავლეთ ევროპის «მცირე ანტანტის»
და სხვა რევიონალური პაქტები; დასავლეთ ევროპის სახელ-
მწიფოთა და საბჭოთა რუსეთის შორის დადებული პაქტები.
ამავე დროს ცნობილი «ბრიან-კელოგის» პარიზის მშვიდო-
ბიანობის და ბლოს მიუნხენის სამშვიდობო კონფერენცია.
ამ ორი ეპოქის ანალოგია მეტად თვალსაჩინოა.

ამავე საგანს ვეხებოდით ჩვენ 1935 წელს «სამშობლო»-ს
მე-17-18 ნომერში (საზაო სიტყვები და საომარი საქმეები)
და ვამბობდით: «ამ მოსალოდნელი ომის თავიდან. აცდენას
ვერავინ მოახერხებს. შეუძლებელია ცარიელი დიპლომატი-
ური ფრანკოლოგიით გაფანტვა აა დაშლა იმ შავი ღრუბლე-
ბის, ევროპა-აზიას რომ თავს დასტრიალებენ და სისხლის
წვივებითა და ქვეყნებით ემუქრებიან». ოთხი წლის შემდეგ
მომხდარმა ომმა სამწუხაროდ სავესებით გაამართლა ჩვენი
დაფასება.

გასული წლის ზაფხულში ქენევაში «ოთხი დიდი» ს მნი-
არული შეხვედრა იმით დამთავრდა რომ შეთანხმდნენ—უნდა
მოვრიგდეთო და ამის განხორციელება საგარეო საქმეთა მი-
ნისტრების მომავალ შეხვედრას მიანდეს. ამ კონფერენციამ-
დე მომხდარმა პოლიტიკურმა ამბებმა და მათ შორის ადე-
ნაურ-ბულგანინის მოსკოვში შეხვედრამ, რომლის «მედვი
მატშ ნულ» ით დაანასიათა ამერიკის საზოგადოებრივმა ახრ-
მა; მეორე დღესვე მოსკოვში გროტგოლის მიპატიებამ—თა-
თბირმა და ამის შემდეგ მოსკოვის განცხადებამ და სხვა ნაკ-
ლები მნიშვნელობის პოლიტიკურმა ამბებმა შემოდგომის
დასაწყისშივე გაჰფანტა ქენევის თბილი პოლიტიკური ჰავა
და საგარეო საქმეთა მინისტრების ოქტომბრისათვის განზრ-
ხულ კონფერენციას უიმედობის ნიადაგი მოუშადა. ამ კონ-
ფერენციამ ისე უშედეგოთ ჩაიარა, როგორც ეს მოსალოდნე-
ლი იყო. ვერც ერთ სადაო საკითხზედ ვერ შეთანხმდნენ.

ერთხელ კიდევ ნათელი გახდა ის უდაო ჭეშმარიტება
რომ საბჭოთა რუსეთის ხელმძღვანელთა პოლიტიკის მთავა-
რი ხაზი არ მიიმართება მშვიდობიანობისაკენ, არამედ ომი-
საკენ, რომლის მიზანია თავისუფალი ქვეყნების დაპყრობა-
დამორჩილება. ბულგანინ-ბრუშჩევის ინდოეთში სააგიტა-
ცია მოგზაურობამ, ხომ სრულიად გააშიშვლა მათი პოლი-
ტიკური მახინჯი და სისხლიანი სახე. ნუ თუ ამის შემდეგაც
ვერ შეიგნებენ თავისუფალი ქვეყნების დიდი პოლიტიკური
მეთაურები, რომ მოსკოვის იმპერიალიზმთან მორიგება შე-
უძლებელია. დროა საბოლოოდ დარწმუნდნენ, რომ საბჭოთა
რუსეთის ორმაგი დიპლომატიის მეთაურები არ შეიძლება
მიჩნეულ იქნან სამშვიდობო საქმიანობის საიმედო პარ-

ტნიორებად, რომ მათის მონაწილეობით გამართული სამშვიდობო კონფერენციები ვერ შესძლებენ მეტად შერყეული მორალის-ზნეობისა და სამართლიანობის აღდგენას, პიროვნებისა და ეროვნებათა თავისუფლების დროშის აღმართვას მსოფლიოს მწვერვალზედ, და ქვეყანაზედ მშვიდობიანობის დამყარებას.

რა მისცა, თავისუფლების გზაზედ მეცხრამეტე საუკუნიდან შემდგარ მსოფლიოს, თავისუფლების დროშით მოკავშირეთა მიერ წარმოებულმა მეორე დიდმა ომმა? პირველი დიდი ომის და ვერსალის სამშვიდობო კონფერენციისაგან განთავისუფლებული და ნაცნობი ეროვნულ სახელმწიფოთა მთელი რიგი, რომელნიც მრავალჯერ გადაურჩნენ საბჭოთა რუსეთის კლანჭებს, მათი გაუგონარი დიქტატურის ქვეშ დააყენეს. თავისუფლება დაჰკარგეს: ბალტიის ქვეყნებში—ლიტვამ ესტონეთმა—ლატვიამ, ჩეხოსლოვაკიამ, რუმინეთმა, ბულგარეთმა, ალბანეთმა და პოლონეთმა, რომლის თავისუფლების დასაცავად იარაღი აიღეს დასავლეთის თავისუფლების ქვეყნებმა. მასვე დაუმორჩილეს გერმანიის აღმოსავლეთის ნაწილიც და მის დედა ქალაქ ბერლინში აღიმართა ერთი მონობაზე დამყარებული რუსეთის იმპერიის სისხლიანი დროშა. დამარცხდა მეცხრამეტე საუკუნიდან დაწყებული შეუჩერებელი ბრძოლა ეროვნებათა თავისუფლებისათვის. შეჩერდა ისტორია ერების თავისუფლების გზით რომ წინ მიდიოდა. ქვეყანა კვლავ ერთა მონობის ხანაში ჩავარდა. სადღა არის თავისუფლების დროშა, კაცობრიობის საუკეთესო კეთილშობილ იდეალებს რომ გამოხატავდა, და რომლის ქვეშ ზღვა სისხლი დაიღვარა. ვინღა ლაპარაკობს ბოლშევიკური რუსეთის მიერ კვლავ ცეცხლით დაპყრობილ ეროვნულ სახელმწიფოებზე, ვინღა ახსენებს კავკასიის თავისუფლების მოყვარულ ერებს: ქართველებს, სომხებს, აზერბაიჯანელებს, ამაყი შამილის მთიელებს, უკრაინელებს, თურქესტანელებს, ყაზახებს და სხვათ, ოცდახუთმეტი წლის მანძილზედ რომ სისხლისაგან იცლებიან დამოუკიდებლობისათვის ბრძოლებში და დასავლეთის თავისუფლების ქვეყნებიდან შველასა და თავისუფლებას ელოდებიან.

დამყარდა ხანა ეროვნულ-პოლიტიკური ბატონ-ყმობისა და ფეოდალობის. უამრავ დიდ და პატარა ერების სახელით მსოფლიოს ბედს «ოთხი მთავარი» სწყვეტს, და მათ შორის საპატიო ადგილზედ ზის ის წითელი ფეოდალი, რომელსაც წელზედ ჰკიდია გასაღები იმ დიდი ციხისა, რომელშიაც დამწყვდეულია ადამიანთა მილიონები და ეროვნებათა ათეული.

ამასა ჰკვიან მსოფლიო ბედის უკულმა ტრიალი და სადამდე მიიყვანს ეს უფსკრულისაკენ თავდაღმართზე დაქანებულს კაცობრიობას.

«**ოთხ დიდთა**» კონფერენციები მეტად მოგვაგონებს 1815 წლის ვენის კონგრესს, სადაც შეკრებილნი დიდი იმპერიების წარმომადგენელნი არავითარ ანგარიშს არ უწევენ მცირე ერების უფლებებს და მათ მიწა წყალს გაუმძღარის იმპერიალისტური მადით ინაწილებენ: ბელგიას მისდა დაუკითხავად, პოლანდიას შეუერთებენ. პოლონეთს სამად ანაწილებენ— რუსეთის, ავსტრიისა და პრუსიას შორის, ჩეხო სლ ოვაკიასა და უნგრეთს ავსტრიისავე იმპერიაში მოამწყვდევენ და იტალიასაც ტერიტორიალურად შეამცირებენ. «სამშობლო» ს მე-13 ნომრის ფურცლებზე 1933 წ. («ისტორია ერთა თავისუფლების გზით») ზემოთ მოყვანილ აზრებსა ვწერდით და დავსძენდით: «მართალია ისტორიის ამა თუ იმ ეპოქის შინაარსი ხშირად ფიზიკურ ძალას უკარნახებია, მაგრამ ისტორია არასოდეს შეჩერებულა იქ, სადაც ფიზიკურ ძალას წერტილი დაუსვამს. სამართლიანობა და მორალია ის უხილავი სულიერი ძალა, რომელიც მსოფლიოს არსებობას ქვაკუთხედით დასდებია და რომელსაც თავისის გზით მიჰყავს ისტორიის ეპოქა, რომელშიაც ფიზიკური ძალის მიერ დათრგუნულია თავისუფლება, არის შეჩერებისა და უკანსვლის ხანა. თავისუფლება არის ის უხილავი მორალური ძალა, რომლის საბოლოოდ დამარცხება ფიზიკურ ძალთა შესაძლებლობას აღემატება». თითქმის 150 წლის შემდეგ ვენის კონგრესის ხანას დავუბრუნდით. და ჩვენც 23 წლის წინ ნათქვამის განმეორება გვიხდება.

იმ მთავარ საკითხთა შორის, რომლის დადებითად გადაჭრა აუცილებელი წინასწარი პირობაა მსოფლიოს მომავალი მშვიდობიანობისა და წინსვლისათვის, ეროვნული თავისუფლების საკითხი პირველ რიგში სდგას, მთელი მისი სიმძიმით, რომლის დადებითად გადაუჭრელად ქვეყნიერებაზედ მშვიდობიანობა ვერ დამყარდება, სისხლისღვრა ვერ შეჩერდება. მსოფლიო პოლიტიკის მეთაურთა უწმიდესი მოვალეობაა, თანამედროვე მეცნიერულ-ტექნიკურ წინსვლასთან შეგუებით მოსძებნონ ფორმა, მცირე ერების თავისუფალი არსებობისა და მათ ღირსეული ადგილი მიუჩინონ დიდ ერთა გვერდით.

ვიმეორებთ,—მეცხრამეტე საუკუნემ დააყენა ეროვნული თავისუფლების საკითხი ისტორიის არეზე, და მეოცე საუკუნეს პასუხის გასაცემათ უანდერძა. მცირე ერების თავისუფლებისათვის ბრძოლებია ამა თუ იმ სახით, მეტ-ნაკლების სიძლიერით მთელ მსოფლიოს რომ მიწისძვრად ვვლინებთან, მეოცე საუკუნემ ამ საკითხს ღირსეული პასუხი უნდა გასცეს, ბოლო უნდა მოუღოს ეროვნულ-პოლიტიკურ ბატონ-ყმობისა და ფეოდალიზმის ხანას.

გლ. პატარძიძე.

გ ა ს ა კ მ ი რ მ ე ლ ი ა მ მ ა მ ი.

შიდა რუსეთი,—ერთად-ერთი დიდი იმპერიაა, დარჩენილი მსოფლიოში,—მუდამ იყო შემორტყმული, ჯავშანივით. არა რუსს, ძალით დაპყრობილ ერთა კოლონიებით. მეორე მსოფლიო ომის შემდეგ ეს ჯავშანი გაორკეცდა, და, თუ წინად თეთრი ზღვიდან შავ ზღვამდე, შავი ზღვიდან იაპონიის ზღვამდე იყო გადაჭიმული, ეხლა შუაგულ ევროპამდე, ხმელთა-შუა ზღვამდე და ინდოეთის საზღვრებზე გაელით,—ინეთის ზღვამდე აღწევს.

ეს მეორე რიგის,—დროით და გეოგრაფიულად.—ისევე დაპყრობილი კოლონიები, ატარებენ სატელიტების სახელს.

სასკოლო რუქასაც კი ვინც დახედავს, დაინახავს, თუ როგორ არის გაბერილი 80.000.000-ანი შიდა-რუსეთი, 150.000 000-ანი კოლონიებით; მაგრამ ე. წ. თავისუფალი დემოკრატია, ამერიკის მეთაურობით, მსოფლიოსათვის ამ საშინელ საშინრობებზედ სდუმს, თვალსა ხუჭავს. დონ კიხოტივით ქარის წისქვილ-კომუნისტებს ებრძვის და ისიც უხეირო საშუალებით.

პარადოქსია, მაგრამ კეთილშობილი, ძლიერი ამერიკა, არა მარტო სიტყვით, არამედ რეალურადაც ხელს უწყობს თავის ევროპიელ მოკავშირეთა ხელიდან კოლონიად ურ ხალხების განთავისუფლებას, ისევე, როგორც რუსეთის ბოლშევიკური წითელი ვეშაპი. ამით წყალს ასხამს რუსეთის იმპერიალიზმის წისქვილზედ; იმის მაგიერ რომ თავისუფალმა დემოკრატებმა შეუტოოს, იერიში მიიტანოს სიტყვით, პროპაგანდით, რადიოთი თუ პრესით,—რუსეთის კოლონიალურ იმპერიალიზმზე.

ბანდუნის ყრილობაზედ, საცა შეიკრიბნენ აზიისა და აფრიკის 29 ქვეყნის წარმომადგენელი და ერთხმად დაჰკმენს ყველა სხვა ქვეყნების იმპერიალიზმი და კოლონიალიზმი. მხოლოდ პატარა ცვილონმა დაასახელა რუსეთიც და მხოლოდ ოსმალეთი მიემხრო მას.

ეხლახან დელესმა გაუბედავად წარმოსთქვა სიტყვა რუსეთის ევროპიელ სატელიტების შესახებ და პრესამ კი არ აიტაცა ეს სიტყვა. პირიქით, ყველა მხრიდან შეუტოეს და ნამეტნავად ინვლისიდან.

რა ღვთის წყრობაა კაცობრიობის თავსა? შეიარაღებული რუსეთის ბოლშევიზმი შეიჭრა აფრიკაშიაც. ეგვიპტესა და იორდანის იარაღს აძლევს; საფრანგეთს უჯანყებს აღჟირ-მაროკოს; შეიჭრა ინდოეთში, პორტუგალიისა და პაკისტანის იმპერიალიზმზე გაჰკივის; კაპიტალისტურ დემოკრატის ახდილად ცეცხლით ემუქრება და ეს დემოკრატია ერთმანეთს უკიჟინებს იმპერიალიზმსა და კოლონიალიზმს? ძეუს! რატომ ართმევ, სასჯელად, გონებას შენს «კლასიკურ» ქვეყანას?

ბრუშჩოვები და ბულგანინები რუსები არიან, რუსულ ჩვეულებრივ (და არაჩვეულებრივ) რეალურ პოლიტიკას აკეთებენ, — იმპერიალისტურ კოლონიალიზმის მოგენი არიან — და სხვები ებრძვიან უნიათოდ კომუნიზმს. რომელიც, შიდა-რუსეთის გარდა, — ყველგან მხოლოდ რუსის იარაღით არის დარგული და განაგრძობს ზრდასა.

უბრალო ლოლიკა მოითხოვს. ებრძოლა ყველა საშუალებით. — შეიარაღებულ, ბოლშევიკურ იმპერიალისტურ რუსეთს. — კომუნიზმის სათავეს, — რომ სხვა ქვეყნებში იგი თავისთავად შესუსტდეს და მოისპოს.

უბრალო ფსიქოლოგიის საკითხია: მთელ მსოფლიოში დამონებული ერების განთავისუფლება იქადაგო და ამით უდიდესი კოლონიალური იმპერია დაანგრეო შიგნიდან, ვიდრე ებრძოლა საერთოდ კომუნიზმს, რომლის მიმდევარნი არა-რუს ქვეყნებში ამით რუსებთან უფრო ძლიერ დააკავშირო და გააძლიერო. ყველა არა-რუსის ყურადღება აქეთკენ უნდა იყოს მიქცეული.

რ. გაბაშვილი.

რუსული პოლიტიკის განსაზღვრა.

რა უამს სახელმწიფო კაცის დიდს ღირსებებს: ჭკუას. ნიჭსა და გამოცდილებას ისტორიის ცოდნა და მეხსიერება არ სჭარბობს. ეს ღირსებები მყისვე ნაყოფ გამოუღებლად რჩებიან და ზედმოყოლილი სახელმწიფო კრიზისი საერთაშორისო კრიზისის საშინო ფორმებში იხსმება.

ასე იყო წინამორბედი (1914—1918) ომის დროს. ასევე განმეორდა უკანასკნელი მსოფლიო (1939—1945) ომის დროს და ამავე სახით ვითარდება მოვლენები კარზე მომდგარ მესამე მსოფლიო ომის წინა პერიოდში.

ეროვნული ინტერესების ნაცვლად თავში ასულმა ეროვნულმა ეგოიზმმა განზე მიაგდო მეხსიერებაც და ისტორიის გაკვეთილებიც.

ყველგან და ყოველთვის, იყო ეს მიზეზი თუ საბაბი, რუსეთის პოლიტიკური ამოცანების გაუგებლობა სარჩულად ედებოდა მსოფლიო და ლოკალურ კონფლიქტებს.

ისე იქნა შეწურული რუსულ ორგანიზმში მთელი ციმბირი, კავკასია, ყირიმი, შორეული და ახლო აღმოსავლეთის, დასავლეთის მოსაზღვრე ტერიტორიები, რომ განათლებულმა და იმ დროით ხელმძღვანელმა ერებმა და სახელმწიფოებმა არც პირი ვახსნეს დაპყრობილთა სასარგებლოდ და არც ხელი გაანძრეს, რომ უსამართლობის და უწესოების პრეცედენტები კვლავ არ წარმოშობილიყო. ნაყოფი თვალწინა გვაქვს: რუსეთი ანგარიშს აღარ უწევს არც რამეს და არც ვი-

ნმეს. ორგანიულად გერმანული აღმოსავლეთი რუსულის ანექსიით დაგვირგვინდა და სახელითაც და სახარავითაც რუსი-ფიკაციის მსხვერპლი ხდება.

ასეთ საერთაშორისო აქტს საერთაშორისო დასტურიც დასჭირდა და ამ მიზნით, რუსეთის საბჭოთა მთავრობა უენევაში ჩავიდა, ჩვეული გინებისა და მუქარის ნაცვლად ღიმილი დაიწყო და საქირო დიპლომატიური წარჩინებაც აქტივში ჩაიწერა.

რკინის ფარდის ერთი კალთა წამოსწია. შიგნით გულუბრყვილო ევროპიელებს ცალის თვალით შეახედა, ორიოდ ტურისტიც გააძვრინა ამ კალთის ქვეშ, დანახა მათ ჯერ არაფრის მნახველი და თვალაქრემლიანებული საბჭოთა მოქალაქენი, რომელთაც დასავლეთის ნაციონალური ჰიმნებიც კი ამღერა და ტანში ურუანტელით მოცული ტურისტები საუკეთესო პროპაგანდისტებათ აქცია რუსული საქმისთვის.

რუსული ბალეტის ევროპაში წარმოგზავნამ ხომ სულ მთლად თავბრუს დაახსნა ევროპიულ პრესას და საზოგადოებრივ აზრს და სრულებით დააეიწა მათ ის ცეცხლის ბუდეები და სისხლის ჩანჩქერები, რომლის ირგვლივ ამ ბალეტის მსახიობნი ცეკვავდნენ.

ჩრდილის ფენებში მოექცა ჩრდილო აფრიკის დრამატიული სცენებიც, გერმანიის, ჩინეთის, ინდო-ჩინეთის, კორეისა და სხვათა წელში ორად გადახერხვაც, ტიბეტის ანექსიით ინდოეთთან გეოგრაფიულ-სტრატეგიული მუზოზლობის შესაძლებლობაც, ინდონეზიის კუნძულების ნაწილობრივ გაკომუნისტებაც.

კომუნისტური ჩინეთის მუქარებიც რომ ანგარიშში არ მივიღოთ, ევროპულ საზოგადოებრივ აზრს ისიც კი მიავიწყდა, რომ იტალიისა და საფრანგეთის მოქალაქეთა ერთი მეოთხედი ნაწილი რუსული ჯარების საავანგარდო სექტორს უფრო წააგავს, შესაძლოა საკუთარი სურვილის წინააღმდეგაც. ვიდრე მშობელი ქვეყნის მოქალაქეთა კოლექტივს.

სამწუხაროდ, ამას ის ამბავიც უნდა დაუერთოთ, რომ ნეალების ტემპით, მაგრამ მაინც საფუძვლიანად განიცდიან რუსული პოლიტიკის ორბიტაში მოქცევის პროცესს ინდოეთი, ბირმანია, ავღანისტანი და არაბთა ტომებით დასახლებული აზია-აფრიკის ტერიტორიები. სურათი დასრულებულად ჩაითვლება, თუ დავინახავთ, რომ ფრანგი ფრანგს, იტალიელი იტალიელს, გერმანელი გერმანელს და ყველა ესენი ერთი მერეს უნდა შეასკდეს რუსული საქმის გასაკეთებლად.

ამის შემდეგ ძნელი აღარ იქნება რუსობისთვის დაუმტკიცოს მსოფლიო დემოკრატიას და მარტოოდენ ფიზიკოლოგიურის სიცოცხლით დაინტერესებულ ერებს. რომ კატასტროფიდან თავის დასაღწევად ერთიღა გამოსავალია დარჩენილი: მორიგეობით, ჯერ პატარა და შემდეგ დიდმა ერებ-

მაც, ხელი აღღონ ბრწყინვალე წარსულიდან, საკუთარი ისტორია «tabula rasa»-დ აღიარონ და რუსული ინტერპრეტაციის მარქსიზმში და ლენინიზმში დაინახონ არსებობის იდეალური ელემენტები.

ასეთი რუსული არგუმენტაცია პან გერმანიზმის ფეტიშთან საბრძოლველად ეხლაც კი კპოულუმს გამოძახილს და დახმარებას დასავლეთის პრესაში და მოკავშირეების საზოგადოებრივ (თუნდაც ანტიკომუნისტური იყოს იგი) აზრში.

ამ პანგერმანიზმის გულშემზარავი წარსულით დაშინებულიმა და გაბრუნებულმა, ხოლო იდილიური პანსლავიზმის უმანკოებით მოხიბლულმა მსოფლიო დემოკრატიაში სრულ იად ვერ შეამჩნია საშინელი აჩრდილი პან რუსისტული მოძრაობისა, რომელიც შეუჩერებლად იზრდებოდა საუკუნოების განმავლობაში მის ცხვირის წინ: ხან მონარქისტული სკიპტრის ქვეშ თავშეფარებული, ხან პროგრესიული-ლიბერალურის, ხან დემოკრატიულ-რევოლუციონურის, ხან სოციალისტურის. ამ ეპოქად ის კომუნისტური იდეებით შეიარაღებული საქმობს და არც საზოგადოებრივი აზრი თავისუფლებაში მყოფ ხალხების და არც ამათი პრესა და პოლიტიკური ხელმძღვანელები, ამ მოვლენას არ უწყევნ ღირსეულ წინააღმდეგობას.

როგორც ვხედავთ, პან გერმანიზმი, დღეს დღეობით მაინც პან ევროპეიზმის (მშობიერების მწარე კრიზისს რომ ვანიცდის) კალამოტშია მომწყვდეული, ხოლო პან რუსიზმის მახინჯი სახე შიშის ზარსა ჰგერის ევროპის მომავალი ბედით დაჯაჭვიანებულსა და დაუბრმავებელ ფენებს კაცობრიობის საზოგადოებრივი აზრისას. რიურტიკებით დაწყებული, ივანე მრისხანით. პეტრე დიდით, ორთავე ნიკოლაზით გაგრძელებულ რუსულ ძირეულ პოლიტიკას, არას დროს არ უწარმოებია ისეთი დაუფარავი, დაუღალავი, მერკანტილური და ყოველგვარ საკაცობრიო ან მეზობლურ მორალს და ელემენტებს დაშორებული ვერავი და მსუნავი დიპლომატია და სტრატეგია, როგორც ამას დღეს ბოლშევიკურ და კომუნისტურ ნიღაბ ქვეშ ამოფარებული საბჭოთა (რუსული) მთავრობა სჩადის. რაც სტალინმა ვერ დაათავა, იმას ხრუსჩევი და ბლუგანინი ასრულებენ ხელში შემორჩენილი ერთად ერთი «ტუშემცი»-ს მიკოიანის დასტურით.

თითქმის ნახევარი საუკუნეა, რაც ეს ხელისუფლება დაწესდა რუსეთში და უსამართლობა იქნებოდა არ აღინიშნოს მის სასარგებლოდ ის ფაქტი, რომ მას ერთი და მკაფიოდ მოხაზული პოლიტიკა აქვს და მას სინამდვილეშიც ატარებს.

დასავლეთის ცივილიზაციის წარმომადგენელ ქვეყნებს კი არც ერთი პოლიტიკა მოეპოვებათ, არც ურთიერთ შორის გაგებისა და ინტერესთა დალაგების უნარი გააჩნიათ და ამიტომ ვერც იმ ძალების გამოყენების სტიმულს კპოულო-

ბენ, რომელმაც ბოლო უნდა მოუღოს რუსულ აგრესიას და იმპერიალიზმს.

ეს ძალები არსებობენ და მათი დაუსრუტელი წყარო ის უამრავი ტომები და ერებია, რომელნიც რუსულ ციხეში არიან დამწყვდეული ევროპიული ცივილიზაციის მესვეურთა დაუდევრობის, გაურკვევლობისა თუ ეგოიზმის წყალობით. ეს ის ძალებია, რომელთაც ვერაფერთარი მოვლენები ვერ გააჩუქებენ. ვერც გააქრობენ და რაკინდ დიდი პაქტი არ შეიქრას რუსეთთან. ყველგან და ყოველთვის, უჩინ-მაჩინის ქუდივით წინ გადაელობებიან ყალბად გადაჭრილ პრობლემებს, რომ უკანასკნელ წუთამდე შეასრულონ როლი სამარადისო მოდარაჯეთა მსოფლიო სინიღისის და სამართლიანობისა.

დიდთა მიერ ურთიერთშორის ხელმოწერილი პაქტები იმ დრომდე ვერ მოიტანს ზავს, სანამ ეს ხალხებიც არ იქნებიან დაქმავილებულნი მის ეროვნულ-სახელმწიფოებრივ მისწრაფებებში.

არა ვფიქრობთ, რომ აიზენჰაუერის ქოლგა ჩემბერლენის ქოლგაზე უფრო მოხერხებულად დააყუჩებს დიქტატურით შეპყრობილსა და გაცოფიანებულ ტვინებს ისეთ ეპოქაში, როდესაც მხოლოდ რეალური სამხედრო ძალები, მოკავშირეთა ერთსულოვანება და აუცილებელი სოციალური რეფორმები გადასწყვეტენ მსოფლიოს ბედს.

კომპრომისებიც მხოლოდ პირწმინდა კაპიტულაციის მომასწავებელია იმ ხალხის წინაშე, რომელმაც არსებითად თვითონაც არ იცის თუ როგორია მისი გეოგრაფიული საზღვრები, რა მიზნით მიჰყვება ის თავის მთავრობას და ბრმად იბრძვის ყველანაირი რეჟიმისა და ორიენტაციისათვის. ასეთი ფსიქოლოგია რუსული მასებისა ზედმიწევნით ესმისთ მოსკოვის დესპოტებს და როგორც საშინაო პოლიტიკაში, ისე საერთაშორისო ურთიერთობაში მხოლოდ პოზიციებს იმაგრებენ პროგრესიული ხალხების ერთსულოვნობის შემრყვე ექსპერიმენტებში. კომპრომისს მაშინა აქვს ფასი, როდესაც ის ორივე მხრიდან არის გაწეული.

მოკავშირეებმა ბევრი დაუთმეს რუსეთს, მაგრამ ლოლიკური დაიბადოს კითხვა: გაუქმდა თუ არა კომინფორმი, მოესპო თუ არა სადივერსიო რესურსები ყველა ქვეყნის კომპარტიას. თანახმანი არიან თუ არა გერმანიის, კორეის, ინდოჩინეთის და სხვათა გაერთიანებისა თავისუფალი და ძალდაუტანებელი რეფერენდუმის საშუალებით...?

კომპრომისი თუ იმას ეწოდება, რომ 1945 წ. გასანთავისუფლებელი სამხედრო ტყვეები მხოლოდ 1955 წ. (ისიც ნაწილობრივ) ელირსნენ ასეთ ბედნიერებას, მაშინ რაღა იმედი უნდა იქონიონ იმ ხალხებმა, რომელნიც 1917 წლიდან მოყოლებული რიგ-რიგად იქნენ დამონებულნი და დაპყრობილნი რუსეთის მიერ?

ამგვარი უწონასწორობისა და ყოვლად უშინაარსო შიშის ფსიქოზის მეტი გაგრძელება რომ შეუძლებელია, ამის შეგნება, მიიღეთ, მაგრამ თანდათანობით. მაისც ეცუობა მსოფლიო პრესას, მხოლოდ საკითხს ეს პრესა ვერ აყენებს გაბედულად და გარკვეულად. ასეთი მერყეობა კი უფრო მეტად ამხნვევებს რუსულ აგრესიას და ჭარბი სტიმულით ამოძრავებს მას.

ქენევის სულით, დამოშმინებით და დამშვიდებით დაიმედინებულმა კაცობრიობამ მალე დაინახა, რომ ყველასფერი ეს სიყალბე, სიცრუე და მანევრი იყო, რომ ასეთი სულისკვეთება აღნავადაც არ ჩასახულა რუსეთის მეთაურთა აზრებში და რომ, პირიქით, დაშლილსა და პოლიტიკური გეზის არა მქონე ხალხებს რუსეთმა დაუპირდაპირა გაჯაყებული ნებისყოფა მთლიანი, უცვლელი და მეთოდური ერთადერთი პოლიტიკის:—მსოფლიოს დამორჩილებისა და რუსულ სისტემაზე აწყობისა—.

სამაგიეროთ, ამგვარ ურყევებს და ერთ რუსულ პოლიტიკას ისეთი ვითარება დაუპირდაპირდა, რომ, ერთხანად, ამერიკა, ლამის იყო, რუსეთთან უშუალო მოლაპარაკების გზაზე დგებოდა, რომ ატლანტიკის პაქტი დროზე არ მოშველებოდა ქვეყანას.

ამერიკამ და ინგლისმა ამის შემდეგაც ვერ შეიკავეს თავი და ფარულ კონკურენციას უწევდნენ მათ მოკავშირე საფრანგეთს აზიაში და აფრიკაში, ხოლო ამერიკა და ინგლისის ხშირი მეტოქეობა მცირე აზიაში საშუალებას აძლევდა საბჭოებს, რომ დასავლეთის წყლებით საკუთარი წისკილები დაეტრიალებინა და გასაქანი მიეცა როგორც შიშის ფსიქოზის დათესვისათვის იმ ხალხებში, სადაც მას ფეხი უნდა შეეფეცა. აგრეთვე ანტი-დასავლეთური პროპაგანდის მათში გაღრმავებისა და გაფართოებისათვის.

ყველა ამ ნიუანსებმა გული აუცრუა ტიტოსაც, საბერძნეთსაც და ოსმალეთსაც ბალკანეთის იმ პაქტზე, რომელსაც ატლანტიკის კოალიციასთან ერთად უნდა ემოქმედნა პარალელურად და ნაცვლად თანამშრომლობისა და ერთსულ მოვნიობისა ყოვლად დაუშვებელი ქლეტა-ხოცვის აქტები იქნა ჩადენილი საბერძნეთში და ოსმალეთშიც.

ცხადია, რუსეთს ვერაფერ დააჯერებს იმ სეპარატიული და მალული მოლაპარაკების ცდების გულწრფედობა. რომელსაც დღეს ყველა სათითაოდ ეცებს, მაგრამ ნეპრუს თუ საერთაშორისო ორომ-ტრიალში პირველ-ხარისხს ვანიჩის თამაშის პერსპექტივები წამოეშალა თვალ-წინ, ნასერს დიდი იმედები მიეცა მოსკოვის საშუალებით პოზიციების გამაგრებისა ისრაელზე შურის საძიებლად და დასავლეთის პრესტიჟის საგრძნობლად შესასუსტებლად როგორც ახლა და მუა აღქმავლეთში, აგრეთვე გაერთიანებულ ნაციონალურ ორგანიზაციაში.



რუსული პრობლემის გასაგებად მიუცილებელია როგორც ისტორიის შესწავლა, ისე რუსული ფსიქოლოგიის მეცნიერული ანალიზი და არა პოლიტიკური კაპრიზი და სპექტაკლური დიპლომატიური ყესტები.

რუსული სახელმწიფო თუ ერის გზით მიდის, ეს იმას არ ნიშნავს, რომ ამავე გზით უნდა წასვლა იქ მომწყვდეულ ტომებს, ხალხებს და ერებსაც.

ამის გაგება იმისთვისაც არის საჭირო, რომ დღემდე წარმოებულ, გზა-აზნულ, უსაფუძვლო, უპერსპექტივო, და უკვე დამარცხებულ, პოლიტიკას ბოლო უნდა მოეღოს და ჰორიზონტზე ისეთი წერტილები აღმოჩნდეს. საიდანაც უნდა იქნეს შენიშნული რუსული სისუსტე: მისი ეთნოგრაფიული სიბრტე, ნაციონალურ-ფსიხოლოგიური არეგ-დარევა, ჩუმი და ფარული. მაგრამ ბევრის მომასწავებელი შინაური ბრძოლა და მინა ინტერესთა აშკარა ანტაგონიზმი. საჭიროა ღრმა შესწავლა ცალკეთ აღებულ ხალხთა სულისკვეთებისაც და თვით რუსის ხალხის ბუნებისაც.

თავის დაარსებიდან დღემდე, რუსეთი ყველას არუხებს, მაგრამ გარუხებული ჯერაც არაგინ აღმოჩნდა.

ეროვნულ-კულტურული წინსვლის შეჩერება ბევრს დაეტყვა, მაგრამ ყოველი ერი გააფთრებულის სიფხიზლით ინარჩუნებს თავის ორიგინალობას და თუ ხმას არ იღებს, ეს იმიტომ ხდება, რომ რუსულ ტლანქ ძალისა და მსოფლიო ხელმძღვანელთა დაუდევრობასა და გაურკვეველობის გარდა, ის ვერაფერს ვერ ჰხედავს.

სამაგიეროთ ის დასავლეთლებზე უკეთ ითვალისწინებს იმ აგრესიას, რომელსაც რუსეთი ამზადებს წერიით. ქადაგით, რადიო-გადაცემით, ატომური ყუბბარის მოპარვით და სამხედრო ძალების დაგროვებასთან ერთად ყველა ქვეყნების მშრომელი ფენების დაბრმავებით, ხოლო ამით ხელმძღვანელ წრეების ხელფეხის შებორკვით.

ბევრს სწერენ და მართალიცაა, რომ კოლონიალურ პერიოდს ბოლო მოეღო, მაგრამ ბოლო მოეღო ინგლისის, საფრანგეთის, კოლანდიის და სხვათათვის და არა რუსეთისთვის.

პირიქით ასეთი ელასტიური, მოქნილი და თითქმის ხარჯ-გაუღებელი კოლონიალური პოლიტიკა რუსეთს ჯერ არ გაუწყვია თავის ისტორიის გასწვრივ.

იალტასა და პოცდამში სტალინმა გაცილებით მეტი ღონიღები მიჰგვარა რუხველტს, ვიდრე ბულგანინმა და ხრუშჩევმა ყინევაში «სამს დიდს», მაგრამ იქ თუ რუხველტი აღმოჩნდა გაცურებული, აქ მთელი ქვეყანა ჩაეარდა ასეთს მდგომარეობაში.

რუსული სადღეგრძელოების ფასი კარგად იცის ქართველმა ხალხმა, რომელსაც არაყი და ხიწალალაც ვერ გააყ-

ვირეებს. მაგრამ თუ ევროპიელებს შეუძლიანთ აღფრთოვანების ექსტაზში ჩაგარდნენ ვოდკა ხიზილალა ტრასტებით, მათ ის მაინც უნდა ეგრძნოთ, რომ დანთებულ ვულკანის გარშემო ქაჯური ცეკვების მოწყობა (მოისევეის ბალეტი) მხოლოდ ცდა იყო რუსებისა ევროპის პულისის გასაშინჯათ.

ჩაგრულმა ერებმა კარგად იციან, რომ ასეთი ვითარება მათ თავისუფლებას არ მოუტანს, ხოლო განათლებული დასავლეთის პოლიტიკური სიბრიყვით იმედ მოწყვეტილნი, იძულებული იქნებიან თავდაცვისა და თავშემონახვის ინსტიტუტი გააცხოველონ და ორგანიზაციული მომზადებით, დისციპლინით და ურთიერთ შორის მჭიდრო კავშირით გაიკაფონ განგების მიერ მათთვის მიჩენილი გზები.

კაცობრიობა კი, თავს იტყუებს თუ სხვებს ატყუებს, ასეთ ინსტიქს საშოშივე უზრჩობს თავის საზოგადოებრივ აზრს და ისეთს პირობებს უმზადებს მას, რომ საჭირო დროს, ვაი თუ, მოუხერხებელიც კი დარჩეს მიძინებული ბრძოლის უნარის-გამოღვიძება.

მშვიდობიანი თანაარსებობა იმ კათეგორიის ღოჭუნგებს ეკუთვნის, რომელმაც დრო უნდა მოაგებოს რუსეთს საომარ სამზადისის დასავგირგვინებლად, რომ უფრო მძლავრი მუშტი დაარტყას თავისუფალ ქვეყნებს. ვიდრე ეს მან უკვე ჩაგრულ ერებს მოუვლინა.

ამასობაში ახლო და შორეული აღმოსავლეთი «O.T.A.N.»-ს სულიერად მოშორდა, რუსეთისგან იარაღს იღებს და იქამდეც კი მიდის, რომ რუსული სუსხის ჯერ არ მზილველნი, ხოლო მონობის რიგში მდგარი კანდიდატები, გაკვეთილებს აძლევენ როგორც დიდ სახელმწიფოებს, აგრეთვე ჩაგრულ ერებს. თუ როგორი პოლიტიკური ორიენტაცია და გეზი უნდა აიღონ ევგვიპტე, სირია-ლიბანი და აოანთა წვრილ-წვრილი ტომები დღეს კავშირსაც კი ჰკრავენ, ვითომდა ისრაელის აგრესიის საწინააღმდეგო. მაგრამ საკითხი სულ სტევა.

რუსეთის საუკუნოებრივი ნატერის საგანი ყოველთვის იყო ახლოდა შუა აღმოსავლეთში ფეხის შედგმა. ხოლო თუ მოკავშირეთა წინააღმდეგ დარაზმულ ანტი-ოქსიდენტალურ მთლიან ფრონტს ვერ შექმნის, სამაგიეროდ, არანთა შეიარაღებული ბრბოების პარტინანული გამოსვლებით ძირს გამოუთხოის ბადადის პაქტს და მაკმადიანური ქვეყნების ერთი მეორეზე გადაკიდებით კომინტერნ-კომინფორმის ერთ მუხლსაც სისრულეში მოიყვანს და ბალკანეთისა და ატლანტიკის პაქტებსაც ან სრულიად წაშლის, ან საგრძნობლად დაასუსტებს.

მართალია, ინტერნაციონალურ მშრომელ კლასებს ეს მოვლენა არაფერს აძლევს (და ეს რუსებს არც კი აინტერესებს), ხოლო თვალსაჩინო განადღებას მოუპოვებს რუსულ იმპერიალისტურ მიზნებს.

ამ გვარად, რუსეთის ისტორიულ-ტრადიციული და ამავე დროს აუციანი ექსპანსია იმავე ტაქტიკაზე დამყარებული, რომლითაც ხელმძღვანელობდა წინა საუკუნოებში სხვა რუსული რეჟიმები.

თუ ეს ყალბი და მოჩვენებითი პაციფიზმი სტალინის შემკვიდრე კოლევკისა (უფრო კი დუჟმეირატის) დროზე არ იქნა გამოშვებული, რუსული ბლეფი და პოლიტიკურ იდეოლოგიური ნიტირეკიობა ფონს გავა, სერიოზულ მოვლენად იქნება დასახული მოტყუებული კაცობრიობის მიერ და ის შრომა, სისხლი და მსხვერპლი, რომელიც გაიდეს განათლებულმა ერებმა და სახელმწიფოებმა დღევანდელი მდგომარეობის მისაღწევად, პაერში დარჩება გამოკიდებული.

თუ კომუნისტური ხელისუფლების წინამორბედი მთავრობები ადგილობრივი ინტრიგებით და დიპლომატიური ჩხირკედლაობით კმაყოფილდებოდნენ და ყველა კონფლიქტებიდან დამარცხებული გამოდიოდნენ, ეს ხდებოდა იმიტომ, რომ რუსებს აკლდათ ტენიკური და კულტურული მარჯაუბიკ და ნაციონალური დულაბიკ.

სამაგიეროთ, ევროპა-ამერიკის წყალობით საბჭოთა რუსულმა მთავრობამ ტენიკური გათანასწორების ნიადაგზე აშკარა აგრესიული ტონი და გეზი აიღო, მაგრამ კულტურულ-ეროვნული ჩამორჩენილობის ნიადაგზე ის უთუღო ხელებს დაიწვავს და რომ ეს არ დაეშართოს, პალიატიურ ზომებს (დივერსიას, ბლეფს, შექარას, ცივ ომს) მიჰმართავს.

საილუსტრაციოდ საინტერესოა მოვიგონოთ გოგოლის მკვდარი სულები-ს გენიოსურად დახატული ტიპი მემამულე ნოზდრიოვისა.

ჩიჩიკოვის საინფორმაციო შეკითხვაზე, თუ ვის ეკუთვნის მის ღობე ყორის გარეშე მდებარე მიწები, ნოზდრიოვი გულწრფელის და განცვიფრებულის თვალებით მიჰხედავს მას და კათეკორიულად, თვითონაც რომ არ იცის, რომ სცრუის, უპასუხებს, რომ მასვე ეკუთვნის ღობეს აქეთა და იქითა მამულებიკ და რომ პორიზონტამდეც და პორიზონტს გაშორებითაც ყველასფერი მისი საკუთრებია.

ასეთია სულისკვეთება ყოველივე რუსისა, ხოლო ამ სულისკვეთების აბსოლუტური განსახიერება რუსული კომუნისმი.

შორს არ არის ის ხანა, როდესაც ამ ფაქტს მსოფლიო მშრომელი კლასიკ გაიგებს, ჩინეთიკ და რუსების სხვა სატელიტებიკ.

გაგების პირველი რეკორდი ჯერ-ჯერობით ტიტოს იუგოსლავიას ეკუთვნის და როდესაც მოვლენათა ევოლუცია სხვა ქვეყნებსაც ამ დასკვნამდე მიიყვანს, მხოლოდ მაშინ მოხერხდება რუსული სახელმწიფოს არქიტექტურული სიმახინჯის დანახვა და რუსის ხალხური მასების რუსულ ეროვნულ ჩარჩოებში მოკალათება.

ამით თვით რუსის ხალხსაც ეშველება, მის მიერ დამონებულ ერებსაც. თავისუფალი ერებიც სულს მოითქვამენ და მშრომელი მასებიც კონსტრუქტიულ შემოქმედების გზაზე დადგებიან.

მსოფლიო პრესა და მეცნიერული წრეებიც კი, ხშირად უპატიებელის სიმსუბუქით ხსნიან რუსულ პოლიტიკას იმ რუსული მისტიციზმით, რომელშიც მეტი მთიპოება ცინიზმი, მზაკერობა და ვირ-ეშმაკობა, ვიდრე რამენაირი მისტიციზმი.

ბოლშევიკურმა რუსეთმა ეს საკმარისის რეალიზმით გამოამქლავა და ამისთვის მადლობის გამოცხადებასთან ერთად, ბრძოლის გამოცხადების დროც მომწიფებულად უნდა ჩაითვალოს.

სამკვდრო-სასიცოცხლო ბრძოლის.

ვინაიდან ასეთია აზრი რუსულ ციხეში ჩაცვენილ ყველა ერისა, საჭიროდ მივიჩნით ისიც, რომ თუ მშვიდობიანის საშუალებებით არა, სხვა ღირსეული ზომებით მაინც მისწვდეს ეს აზრი გაერთიანებულ ნაციათა ორგანიზაციას.

X.

ჩვენი ეკლესიისათვის.

ერთობ მძიმე დავალება თავს მომახვია «ივერია»-ს რედაქტორმა: ვაუწყო ჩვენს მკითხველებს ზოგირამ ცნობები საქართველოს ეკლესიაზე და დამატებით მის ამჟამინდელ ყოფაცხოვრებაზე. ძველი თაობა ჩემზე ნაკლებათ არ არის ჩახედული ამ საკითხში, ამიტომ ჩემი ნაწერი მას არაფერს შესძენს და არც თუ ისე გამოადგება. ვფიქრობ, რომ რედაქციას მხედველობაში ჰყავს მოზარდი თაობა—მოწყვეტილი და აშორებული სამშობლო კერას. ზერუღეთ მცნობი ჩვენი ქვეყნის წარსულისა და თავგადასავალისა, ხოლო უმეტესათ მისი ეკლესიის მნიშვნელობისა და ლეწლმოსილობისა სახელმწიფოსა და ხალხისათვის. ამისა გამო დავალების უკუგდება უკადრისობათ ჩამეტვლებოდა... და უკეთუ ჩემი ეს მოკლე ზეპირნაწერი ფიქრებს აღუძრავს ჩვენს ახალგაზრდებს, შეაწყვეს ზოგიერთ მისთვის უცნობ ამბავს, მეც კმაყოფილება მომენიჭება.

საქართველოს მართლმადიდებელი ეკლესია წმიდა მოციქულთასწორის ნინოს სახელთან არის განუყრელათ შეკავშირებული. ამ კაპადოკიელმა ქალწულმა მოგვცა, გრიშაშვილის ნათქვამით რომ ვისარგებლო, «რჯული ღვთივმშვენიერი და კერპშომონი დაგვაწყველინა». წმიდა ნინოს უჯარი მისივე თმებით გადაბმული ასვენია სიონის ტაძრის კანკელზე (ბერძნულათ—იკონოსტას). ქართველთა ამ უდიდესი სიწმიდის

გამოსვენება ტაძრის შუაში ხდებოდა წელიწადში ერთხელ 14 იანვარს—სინოზბას. ამ დღეს მოზღვავებულ მლოცველთ ხანდასმული, საქართველოს შეებათა დაჭირთა მოწმე, სიონი ძლივს იტყედა. რუს-ეგზარხოსების დროს ამ დღეს სიონში ღვთისმსახურებას ასრულებდნენ მხოლოდ ქართველი ეპისკოპოსები და სამღვდელეობა ქართულათ. ამავე დღის შემკრებილობითმა სულეირმა აღფრენამ გრიშაშვილს შემდგვი სტრიქონები გამოაქარგვინა:

წმიდაო ნინო! როცა თენდება
და ცა ირთვება შვინდისფერ ისლით,
შენი სიონი გამახსენდება...
მოვდივარ შენსკენ სიღარბაისლით,
და როგორც ქარი ვარდს მოაქანებს,
მეც მოვქარი შენსკენ, და ფილაქანებს
ენესტავ მონადენ ცრემლის არხებით...

რუსეთის სინოდისმიერ მიტაცებული თვისთაოსნობა (ბერძნულით—აქტოცეფალია) საქართველოს ეკლესიამ დაიბრუნა ერთი წლით ადრე ვიდრე ჩვენმა სახელმწიფომ იმავე რუსეთისმიერ ასევე წაგლეჯილი სუვერენობა (12 მარტი 1917; 26 მაისი 1918). ადვილი არ იყო მიღწევა და განაარსება ამ მიზნისა. თუ გავითვალისწინებთ იმდროინდელ საერთო აღრევასა და პირველყოელის იმ გარემოებას, რომ რუსები ყველა მიმართულებისა და წოდებისა უსახლგრო მტრულათ ეპყრობოდნენ (და ეს არც ეხლა შეცვლილა!) ყოველგვარ ქართულ წამოწყებას, როცა კი შეპნიშნავდნენ «მთლიანი და გაწყუფელი რუსეთის» მებღალვის ნიშნებს...

ასეთივე მიმართება გამოიჩინეს მათ საქართველოს ეკლესიისადმი. რუსეთის სინოდი და ობერპროკურატურა იმაზე კი არა ზრუნავდა, რომ გადაესინჯათ 1811 წლის. საეკლესიო კანონთა დამფუძნავი, უძველესი ეკლესიის თვითმყოფლობის მოსპობის ძალმომრეობითი აქტი. არამედ მსლიათ თავისი მოქმედებით ადასტურებდნენ საუკუნის წინათ ჩადენილ უსამართლო საქციელს. ცნობილია, როგორი უკმეხი «რთაგონებითი ეპისტოლეთი» მიჰმართა მოსკოვისა და სრულათ რუსეთის პატრიარხმა ტიხონმა თბილელ მიტროპოლიტ ლეონიდე (შემდგომ კათალიკოსი) მცხეთის სამეუფეო ტაძარში ერთსულოვნათ მიღებულ დადგენილებისა გამო: პატრიარხი ტიხონი დაჟინებით მოითხოვდა, რათა ქართული ეკლესიის ყოველი საკითხი შეტანილყოფილ იყო განსახილველათ რუსეთის სინოდში და მუნ გარდაწყვეტილიყო მისი ბედილობა. ცნობილია აგრეთვე დასაბუთებული დარბაისლური პასუხიც მიტროპოლიტ ლეონიდე (ტექსტი შედგენილია აწ განსვერებულ კათალიკოს კალისტრატის მიერ—იმ ხანებში მმაოთველი საკათალიკოსო კანცელარიისა), რომელშიაც

შემოწმებული ისტორიული ფაქტებით დამტკიცებული არის საქართველოს ეკლესიის ავტოკეფალი წყობილება, და რუსეთის ეკლესიის მიერ უფლებათა უკანონო მითვისება (იხილე ქურხალ «სამშობლო»-ს მე-9 და მე-10 ნომრებში ეს ეპისტოლე და ჩემი წინასიტყვაობა).

რუსეთის ეკლესიამ იცნო საქართველოს ეკლესიის ავტოკეფალია მხოლოდ მაშინ, როცა მოსკოვის პატრიარხმა სერგიმ შეიტყო, რომ უძველეს აღმოსავლეთის პატრიარხებმა—კონსტანტინოპოლისამ, ანტიოხიისამ, ალექსანდრიისამ და იერუსალიმისამ ავტორიტეტულად დაამოწმეს თვისი ისტორიული მოძმის კანონიური მართებლობის განახლება. საყურადღებოა ვიცოდეთ, რომ ჩვენი ეკლესია მეცხრე საუკუნემდის ანტიოხიის პატრიარხის ნომინალ ზედამხედველობაში იმყოფებოდა, გარნა ეს საპატრიარხო აროდეს ერეოდა საქართველოს ეკლესიის შინაგამგებლობაში. ნომინალი სახელწოდება დღესაც შერჩენილი აქვს ანტიოხიის პატრიარხს: პატრიარხი სრულიათ აღმოსავლეთისა, ივერიისა... და სხვა.

რაკი შევხვებ ჩვენი ეკლესიის ავტოკეფალიის აღდგენის ეპოპეიას, ზედმეტათ ნუ ჩამეთვლება, რომ აღვნიშნო დაუღალავი და თავგამოდებითი ღვაწლი და პრაქტიკული ღონისძიებანი ქართველ მორწმუნეთა ჯგუფისა, რომელიც ეროვნულ-დემოკრატიული პარტიის მთავარი კომიტეტის თანხმობითა და მეშვეობით უადვილებდა საკათოლიკოსო ხელიწოდებას ეკლესიის უძრავ და მოძრავ სამკვიდრებელის ყოფილ საქსარხოსოდან მიღებას. იყო არაერთი შემთხვევა, როცა რუსის «ჩერნოსოტენცები» «დუბინებითა» და იარაღით ხელში იცავდნენ მითვისებულ შენობებსა და ქონებას. ამ საშიშ «ოპერაციებში» სახელი მოიხვეჭეს და ეკლესიის მადლობა და კურთხევა დაიმსახურეს: დღეს ჩვენ შორის მყოფ დათა ვანანაძე და ჩვენგან უდროთ განშორებულებმა—ალექსანდრე ასათიანმა, შალვა ამირეჯიბმა, შალვა ქარუმიძემ და ირაკლი წინამძღვრიშვილმა: იდღეგრძელოს პირველმა, საუკუნო ხსენება განსვენებულთ!..

აღდგენილ ეკლესიის საქეთმპყრობელის ტახტზე აღყვანრილიქმნა, როგორც მოსალოდნელი იყო, ღვაწლშემოსილი ეპისკოპოსი კირიონი. კათოლიკოსების სიის გავრცელებით მას ეწოდება კირიონ მეორე: კირიონ პირველი კათოლიკოსობდა მეექვსე საუკუნეში. რუსული ეკლესიის ქვეშემყოფობის პერიოდში კირიონს აკრძალული ჰქონდა სამსახური სამშობლოში; ის მღვდელმთავრობდა რუსეთში, საიდანაც დაბრუნდა საეკლესიო კრების მოწვევის წინაღღებებში (ენკენის-თუე 1917). კათოლიკოს კირიონს დიდი პატივი ჰქონდა მონხვეილი ქართველ საზოგადოებაში, რაცა მან ერისკაცობიდანვე დაიმსახურა. 48 წლისა იყო, როცა ბერათ აღიკვეცა; წინათ დირექტორობდა გორის სასულიერო სასწავლებელში

«სტატსკი სოვეტნიკის» ხარისხით. კათოლიკოსი კირიონი იყო მეცნიერი აგიოლოგი, საეკლესიო ისტორიკოსი და ლიტერატორი. როცა ბერათ შესდგა, სწერდა ე. კ. (ეპისკოპოსი კირიონი)-ს ინიციალებით. კირიონის რუსულმა წიგნმა «კულტურნაია რაო ივერიი ვ როსიი» (1911) აღტაცებული გამოძახილი კპოვა ქართველებში. რუსულ წრეებში კი ჭმუნვა და უკმაყოფილება: წიგნში ნათლათა სქევივის ქართული კულტურის პრიორიტეტი...:

ჩვენი ეკლესიის თანამედროვე ვითარება? თავისთავათ ცხადია, რომ ვერც ის გადაურჩებოდა ყველა იმ შეიწროებასა, გამუდმებულ შეურაცხყოფასა და ამითივით სახით დევნას, რაიცა კომუნისტურ სამფლობელოში წილათა ჰხვდა ყოველ აღსარებათ, ხოლო საზღვარულდებ უშვერობითა და სიმძიმით მართლმადიდებელ ეკლესიას.

ბოლშევიზმის მთლიანათ აღებულ გეზს მონური ქვეშევრდომობით მისდევს მოსკოვის საპატრიარხო, რომელსაც ფაქტიურათ ხელმძღვანელობს ანაფორაში ამოღარებული, ჩეკის აგენტი. კრუტიცკის მიტროპოლიტი ნიკოლოზი. მოსკოვის საპატრიარქო გულმოდგინეთა და გატაცებით მისდევს იმ შეპაჩრუნებულ «ფორმულას», ოციოდე წლის წინათ პატრიარხმა სერგიმ რომ ვადისროლა სამღვდლოების საყურადღებოთა და სახელმძღვანელოთ: «საბჭოთა ხელისუფლების სიხარული—ჩვენი სიხარულია, მისი მწუხარება—ჩვენი მწუხარება!» იმ დღიდან მოყოლებული და ასე გასწვრივ, ეს «ფორმულა» მიღებული არის «სოვეტურ» ეკლესიაში, ვითარცა სახელმძღვანელო და აღსასრულ ებელი იმპერატორი!..

საქართველოს ეკლესიას ამჟამათ განაგებს მცხოვანი მოხუცი კათოლიკოსი მელქისედეკი (ფხალაძე), ძველათ დამსახურებული პედაგოგი დასავლეთ საქართველოს სასულიერო სასწავლებლებში, თვითონ სწავლადამთავრებული კახანის სასულიერო აკადემიაში.

მუხრუჭადებულ საქართველომ მარიონეტული «მთავრობა» ყურმოჭრილათ ასრულებს ყველაფერს. რასაც მისი მოსკოველი ბატონები განუმარტავენ და უბრძანებენ ცნობა არა მაქვს, რომელი გვამი «ობერპროკურორობს» ჩვენში ის კი უნდა ვიგულისხმოთ, რომ ასეთი ფუნქციების მქონე ვერ გადღებევს მოსკოველ «ობერპროკურორისს», ჩეკიდან მივლენილ კაპოვის «საეკლესიო» ხაზს.

საქართველოს ეკლესიის ავტოკეფალია ჩვენ შევიძინეთ ნაციონალურ-რევოლუციური გზითა, ხომებითა და გარჯით. როგორც უნდა იყოს მისი აწინდელი მდგომარეობა—ის კი მწუხრის კაე შანით გარსშემორტყმულია—, ქართველობა ერთობლივათ არის და იქნება მის გვერდით და მის სამსახურში. განვლენ ბოროტი დღენი! ქართველი ერი განიბღერტავს მისადმი მოდებულ კომუნისტურ ჭუჭყს, და კვლავ აღ-

იმართება ქართველთა თავმოყრელი—დიდებისა და შვიების, დღეს დაფხრეწილი—დროშას!...

ვერდიბოდი, მაგრამ მაინც ვიიძულები ამ ნაწერს post scriptum ის სახით დაურთო ქვემო ნაწერი: მართლმადიდებელი ეკლესია ჩვენთვის არ უნდა იყოს მხოლოდ კატეგორია მამაპაპეული რჯულისა, რომელსაც ჩვენ უნდა მივდევდეთ ტრადიციულად, ასე ვთქვათ, მემკვიდრეობითი შეცნაურებითა, ჩვეულებითა და აყოლით. მამაპაპეულობა ბევრ შემთხვევაში არ არის წარსახიდი, პირიქით ხშირად დასაწინიცი არის და უკუესაგდებიც. ხოლო მივდევთ ჩვენს ეკლესიას და დაუბრკოლებლად ვემსახურებით მას მხოლოდ იმიტომ, რომ მას ვგულისხმობთ სარწმუნოებრივ თვალსაზრისით ისეთ ფენომენად. რომელიც უცხოა მელათა, გადაუხრელათა და შემტკიცებით ინახავს და იცავს ოთხთავ სახარებაში მოცემულ მაცხოვრის მცნებასა, მოციქულთა და ეკლესიის დიდ მოძღვართა სწავლებას.

ცნობები მოდის, რომ ზოგიერთნი ქართველ მორწმუნე გადმოსცეწილთა შორის «რელ იგიურ ძიებაში». არიან, ეშვით შეპყრობილნი «მამაპაპეულ» სარწმუნოებისადმი. სულიერ მოთაოვნობას ასეთები თურმე იმგვარ სიძლიერით გაუტაცნია. რამ მათ ხელთულიათ «შედარებითი მეთოდი», მამაპაპეულობა აუწუნებიათ და დაუგმიათ, ხოლო უპირატესობა სხვა აღსარებათათვის მიუკუთვნებიათ. მე—ცოდვილს—ცუვი მეპაოება, რომ «მაძიებელნი» უზომოდ ჩახედულ იყვნენ რელიგიურ დისციპლინებში და აქ, სახლვარგარეთ ხელთელოთ აბოლოგეტური თეოლოგიის შესწავლა!...

კათოლიკოს ანტონ პირველის (1744—1755; 1763—1788) მაგალითით ნურავინ ინებებს წახალისებას: ეს დიდი ღვთისმეტყველი, ფილოსოფოსი მატემატიკოსი, აბოლოგეტი, ლოგიკოსი და ფილოლოგი (მისი «ქართული ენის გრამატიკა» დღესაც მიმჩნეული არის სანიმუშო თხზულებათ; ისიც დაეიხსოვით, რომ ჩვენი ისტორიკოსები მეთვრამეტე საუკუნეს ანტონ კათოლიკოსის საუკუნეს უწოდებენ) მცირე ხნის განდგომის შემდეგ კვლავ დაუბრუნდა «მამაპაპეულ» რჯულს. როცა ანტონ კათოლიკოსის მოწინააღმდეგე თეიმურაზ მეორე (1733—1762) გარდაიცვალა, ერეკლე მეორემ (1762—1798) რუსეთში გადახიზნული კათოლიკოსი გამოიწვია და ანტონ პირველი აღსრულებამდის ბრძნულად განაგებდა საქართველოს მართლმადიდებელ ეკლესიას: *hapianti sat*, ამბობს ლათინური თქულება—ბრძენთათვის საკმარისია!...

დ. ინვილი.

რუსული კომუნისმისაგან

მსოფლიოს ღაცვისათვის.

წარსული წლის უკანასკნელი ოთხი თვის განმავლობაში მრავალი და მნიშვნელოვანი ფაქტები წამოიჭრა საერთაშორისო პოლიტიკის სარბიელზე.

რუსებმა უჩვეულო ცხოველმყოფელობა და უტაქტო აქტივობა გამოიჩინეს, როგორც ახლად განთავისუფლებულ აზიის ერთა (ინდუსები, ბირმანელები, პაკისტანელები, კამბოჯელები, ავღანები) ისე იმ ქვეყანათა მიმართ, ვინც აღნიშნულ ერებს დამოუკიდებლობა მიანიჭეს. ამგვარივე უტაქტობის პერსპექტივების წინაშე დგანან აფრიკის და აზიის ტერიტორიაზე მობინადრე ქვეყნებიც: ეგვიპტე, ისრაელი, სირია, ლიბანი, ეთიოპია და სამხრეთ აფრიკის ჯერ კიდევ მანდატების ქვეშ მყოფი ერებიც და მათი მანდატორებიც.

ამ ხალხთა ბუნებრივი სიმდიდრის ცივილიზაციის საკუროვნებისათვის არ გამოყენება ნამდვილ სილატაკის წინ დააყენებს არა მარტო მანდატორებს, არამედ მთელს თავისუფალ დასავლეთს.

აფრიკაში 900 მილიონი მცხოვრებია. მსოფლიო თვალჯავარიის 98%, ლქროს 55%, ტყვია-სპილენძის 22%. მსოფლიო ურანიუმის უდიდესი პროპორცია აქ არის მოთავსებული.

ამერიკელებმა მხოლოდ მაშინ დაიწყეს ასეთი საფრთხის წინაშე საზოგადოებრივი აზრის თვალის ახელვა, როდესაც რუსებმა აქტიურად ააფათურეს ხელები აღნიშნულ რაიონებში.

საგანგებო პერიოდული ორგანოს გამოცემის მიზნით, როგორც საფრანგეთის პრესა ვადმოგვცემს, ამერიკის მთავრობამ ერთგვარი მობილიზაცია მოახდინა სამი დარგის სპეციალისტთა: პოლიტიკაში—სტიფენსონი, მწერლობაში—ჰემინგუეი და ეკონომიკაში—ჯონ გუნტერი.

ამით ის ფიქრობს თავის ხალხს და მთელს თავისუფალ კაცობრიობას გააგებინოს და შეაგებინოს ფასი აფრიკის კონტინენტისა მომავალი თაობებისათვის. ამავე დროს საბჭოთა რუსეთი ემისრებს უკვე ოფიციალურადაც აგზავნის აღნიშნულ რაიონებში და ჰპირდება მათ ეკონომიურ, ფინანსიურ და სამხედრო დახმარებასაც. ვინაიდან ცნობილია, რომ ასეთი დახმარება უკომპესაციოთ არ დარჩება, უნდა ვიფიქროთ, რომ რუსეთის არაოფიციალური აგენტები უკვე კაი ხანია რაც იქ მუშაობენ.

ამიტომ შეცდომა იქნება არ აღინიშნოს ტიტოს მოგზაურობა ჯერ ინდოეთში და შემდეგ აბისინიასა და ეგვიპტეში. უნდა ვიფიქროთ, რომ ბანდუნგის კონფერენციაზე დამსწრე

ტიტომ მცირე როლი არ ითამაშა ბულგანინი ბრუშჩევისათვის კვალის გაყვანაში შორეულ აღმოსავლეთში სამოგზაუროთ და ასეთივე უნდა იყოს მისი როლი რუსების მოსალოდნელ მოგზაურობისთვის ეთიოპიასა და ეგვიპტეში.

ოსმალეთი და საბერძნეთი ერთმანეთს ვერ მიესვოდნენ, ტიტო რომ საბჭოებს არ შერიგებოდა და ამით ბალკანეთის პაქტი არ ჩაეშალა. აქ გამოჩნდა დახელოვნებული და გამოცდილი ინგლისის დიპლომატიის პირველი დიდი მარცხი, რაც ბალდადის პაქტმა არა თუ არ დაფარა, პირიქით უფრო თვალსაჩინო გაჰხადა. მას უნდა სცოდნოდა, რომ რუსების მიერ დაყრილ სილაზე (ტიტოს იუგოსლავია) შეუძლებელი იყო მკვიდრი და საფუძვლიანი შენობის აგება.

ამაირად ატლანტიკის პაქტის შესუსტებაც მოსალოდნელია და ინგლის საფრანგეთ-გერმანია-იტალია-ისპანეთ-ბენელუქსის ჯერ ურთიერთ შორის მკვიდრო და გულწრფელი შეთანხმების და შემდეგ ამერიკასთან კავშირისაც, ურომლისოდ რუსეთი უნდა გაბატონდეს მთელს ქვეყანაზე.

ამის შეგნება კი უდავოთ მოითხოვს. რომ პრიორიტეტი არა ვაპრულ მომენტებს მიენიჭოს აღნიშნულ ქვეყნების ურთიერთ უბაში, არამედ უზრუნველყოფის (ე. ი. პოლიტიკურს და სტრატეგიულს) პრინციპებს.

მართალია, ქენევის ზაფხული სუსხიანმა ზამთარმა შესცვალა, მაგრამ ამან მარაზმისა და დემორალიზაციის ნაცვლად ისეთი თავდაცვისა და სასიცოცხლო ინსტინქტი უნდა გააღვიძოს თავისუფლებაში მყოფ ქვეყნებში, რომ ვაპრული პრიმატი ლექსიკონიდანაც კი ამოიშალეს იმ გულური წემოსეგის მოსაგერიებლად, რომელსაც საბჭოთა რუსეთი აწინააღმდეგებდა. ამ მოსაზრებით მეტი არ იქნებოდა იმ ძალების გამოყენება ახიისა და აფრიკის ხალხების თვალის ასახედად, რომელთაც გადაქვეწილებაში ყოფნა ამჯობინეს რუსეთის ცინებს და ბევრის თქმაც შეუძლიანთ როგორც ინდოელთა და არაბთა გონზე მოსაყვანათ, ისე სხვა ხალხთა გამოსადეგიზებად და ცრუ ილუზიების გასაქრობად.

ემიგრაციაში მყოფი ყოველი პატრიოტი: პოლენელი, ჩეხო-სლოვაკი, ბულგარელი, ჰუნგარელი, რუმინელი, დეტველი, ლატვიელი, ესტონელი, უკრაინელი ქართველი, სომეხი, აზერბაიჯანელი, მთიელი, თურქმენი და სხვა ურიცხვი შვილები ოუსთავან ჩავრული ერების დაუფასებელ ადამიანურ და ინტელექტუალურ მორალურ საპროპაგანდო ცოცხალ მასალას წარმოადგენს, თუ ამისთვის სათანადო პირობები შეიქმნება.

X.

იძულებითი მართა სოლიდარობა.

კომუნისტურმა პრესამ კვლავ დასვა დღის წესრიგში ერთა სოლიდარობის საკითხი. აქედან ნათლად სჩანს, რომ მათ მიერ მრავალჯერ დადასტურებული და დაკვეხნილი ერთა თანასწორობა და ინტერნაციონალური თანხმობა, ისეთივე მითია, როგორც ბევრი სხვა რამ. იმ წლის 20 სექტემბრის გან. «კომუნისტ»-ში დაბეჭდილია გ. ევანიას ვრცელი წერილი «ბრძოლა პროლეტარული ინტერნაციონალიზმის ლენინური პრინციპებისთვის».

ისე როგორც ყოველთვის აქაც განზრახ დამახინჯებულია რუსეთის და კავკასიური ერების ურთიერთობის ისტორია, როგორც წარსულში—მეფის რუსეთის ხანის. ისე საბჭოთა რეჟიმის პერიოდის. თითქოს ისე გამოდის, რომ მხოლოდ კომუნისტური პარტია, ლენინი და სტალინი იყვენ ერთა მმეიდობიანობის, მათ შორის კეთილმეზობლური განწყობილების მოციქულნი, სხვები, სხვა პოლიტიკური პარტიები, მხოლოდ იმისთვის იღვწოდნენ, რომ ერთა შორის შუღლი და მტრობა დაეთესათ და ერთმანეთზე გადაეკიდებინათ.

აი, რას სწერს გ. ევანია: «ამიერ-კავკასიაში პროლეტარული ინტერნაციონალიზმის დიადი ლენინური პრინციპების დამკვიდრება და ამ პრინციპების სულისკვეთებით მშრომელთა აღზრდა დაკავშირებული იყო უდიდეს სიძნელებებთან».

სხვა სიძნელებებთან ერთად მათ უხდებოდათ მეფის თვითმპყრობელობის და მის კავკასიულ სატრაპების წინააღმდეგ ბრძოლა სასტიკ არალეგალურ პირობებში. ამასთან ერთად: «საქართველოს და ამიერ-კავკასიაში არსებობდნენ მრავალრიცხოვანი ნაციონალისტური მიმდინარეობანი. რომლებიც დაბრკოლებებს უქმნიდნენ ამიერ-კავკასიის მშრომელთა შორის ინტერნაციონალური კავშირის, ძმური მეგობრობისა და რევოლუციური მოქმედების ერთიანობის დამკვიდრებას. ესენი იყვნენ ამიერ-კავკასიის ჩაგრულ ხალხთა ინტერესების გამყიდველები: ქართველი ნაციონალ-დემოკრატები, ფედერალისტები, მენშევიკები, დაშნაკები და სხვა წვრილბურჟუაზიული პარტიები».

იქმნება ისეთი შთაბეჭდილება და მათი მთავარი მიზანიც ეს არის, რომ ჩვენ, არამც თუ ჩვენი მეზობელი ხალხების მოძულენი და მტრები, არამედ თვით ჩვენი ერის ინტერესების «გამყიდველები» და მავნებლებიც კი ვართ.

ჯერ ერთი რათ დასჭირდეთ ჩვენი ამ საკითხთან ასე უკუღმართად დაკავშირება, მეორეც—რა ისტორიულ საბუთებს ემყარება აეტორი? როდის იყო რომ ჩვენ ვებრძოდით რომელიმე ერს და მის წინააღმდეგ სიძულვილს ვქადაგებდით. აბა

თუ ვისმეს გაუგონია, რომ ქართველ ერს რაიმე მტრული დამოკიდებულება ჰქონია მეზობელ ხალხებთან. შესეოდა მათ დაეპყრო და აეოზრებია. ჩვენს ისტორიაში ამის მხგავსი მაგალითი არ მოიპოვება. პირიქით საქართველოში ოდითვე დამკვიდრებული სხვადასხვა ეროვნებათა უმცირესობანი მშვიდობიანად ცხოვრობდნენ. არასოდეს. არც ერთ ერის შვილებს არ განუტყდიათ დევნა და შევიწროება არც რელიგიურ, არც ეკონომიურ და მით უფრო არც პოლიტიკურ ნიადაგზე, როგორც ეს იყო ძველს რუსეთში და არის ახლაც საბჭოთა კავშირში. სომხები, ებრაელები, ოსები და სპარსულ-თურქულ მოდგმის ხალხის უმცირესობანი, ჩვენში ყოველთვის სარგებლობდნენ შეღავათიან პირობებით და ეწეოდნენ მშვიდობიან შრომას.

ხოლო როცა საქართველო დაპყრობილ იქმნა რუსეთის მიერ, გამარჯულებელ პოლიტიკასთან ერთად, რათა დაერღვია საქართველოს ტერიტორიული მთლიანობა და ამით შეესუსტებია მისი წინააღმდეგობა, ბრძოლა ეროვნულ თავისუფლებისათვის, ასახლებდა რუსებს, სომხებს, ოსებს და გერმანელებს და ამით ქმნიდა სელოვნურ პირობებს დაეხერგა ხალხთა შორის უთანხმოება და ამით თავის ბატონობა გაეძლიერებია.

მართალია 19 საუკუნეში ქართველ-სომეხთა დამოკიდებულება გამწვავებული იყო. ხოლო ამის მიზეზი იყო თვით რუსეთი და კავკასიაში მისი ადგილობრივი ადმინისტრაცია. თურქეთიდან დევნილ და გამოქცეულ სომხებს ასახლებდა საქართველოს ტერიტორიაზე, რაც ისედაც მჭიდროთ დასახლებულ, უმიწაწყო ქართველ ხალხს საარსებო სივრცეს უმცირებდა შინა იმიგრაციისათვის. ეს ბუნებრივთ იწვევდა ქართველთა უკმაყოფილებას. ხოლო ეს მაინც არ განხდარა რაიმე სერიოზულ უთანხმოების საბაზი და ფიზიკურ შეჯახების. ქართულ პრესაში ამ ნიადაგზე დავა სომხებთან არასდროს ჩამოქვეითებულა ვიწრო შოვინისტურ ზოლოგოიურ ნაციონალიზმამდის. მე-19 საუკუნის ქართველი საზოგადო მოღვაწენი ამ ჩვენთვის საზიფათო მოვლენას ობიექტიურად იკვლევდნენ და ცდილობდნენ კეთილმეზობლურ ურთიერთობის შენარჩუნებას და მის განმტკიცებას.

ზმირად ამ დავას მწვავე ხასიათი ქონდა, ჩვენ ვიცავდით ქართველი ხალხის ინტერესებს და ვებრძოდით რუსეთის იმპერიალისტურ ბოროტ განზრახვებს და არა მათ მიერ ჩამოსახლებულ სომხებს. შემდეგ როცა ამან ფართო ხასიათი მიიღო და სომხებმა ვარანცოვ-დაშკოვის მფარველობით გაბატონებული მდგომარეობა მოიპოვეს თვით ჩვენს დედა-ქალაქ თბილისში, ბორჩალოსა და ახალქალაქის მაზრებში, რაც უდაოდ ჩვენთვის ეროვნულ საფრთხეს წარმოადგენდა. რადგან სომხეთის ზოგიერთ პოლიტიკურ წრეებს ამ პროვინციე-

ბზე პრეტენზია დაებადათ და მისაკუთრებას ლამობდენ, ამ ეროვნულ საფრთხის წინაშე დადუმება ნიშნავდა ქართველი ერის ღალატს და თუ ქართველი კომუნისტები ამ დღეას გულისხმობენ ჩვენს «ღალატთ» ამას ჩვენ ვღებულობთ.

სხვა დავა და უთანხმოება სომხებთან ჩვენ არ გვქონია და არც მომავალში გვექნება. 1919 წ. სომეხ-ქართველთა ომის ხაზბინიც ეს პროვინციები იყო და აქაც ჩვენ დავიცავით საქართველოს მიწა-წყალი და არ შევსევით სომხებს მათი ტერიტორიის დასაპყრობათ. ყველასათვის ცნობილია, რომ ამ ომის წამქეზებელნი და ინსპირატორები იყვენ ძველი რუსეთის ნაშთები ამიერ-კავკასიაში; არა ხაკლებ რაღს თანაზობდა ბოლშევიკური რუსეთი საომარ ცეცხლის ასახებათ. მათი სურვილი იყო ამით ესარგებლათ და კავკასიურ ერების დამოუკიდებლობისთვის ბოლო მოეღოთ. 1919 წელს ეს მათ ვერ შესძლეს, მაგრამ ადვილათ მოახერხეს შემდეგ წლებში და ერთი მეორეზე დაამხვეს კავკასიური ერების თავისუფლება.

სულ სხვა ხასიათი ქონდა სომეხ თათართა უთანხმოებას და ხოცვა-ჟლეტას, რასაც იგივე რუსეთის ფარული აგენტები აწყობდა, ხოლო არა სტალინი გამოდიოდა შუამავად და შემარიგებლად, როგორც ამას გ. ყვანია სწერს, არამედ ქართველი მოღვაწენი და ქართველი მესმევიკები. ეს ხომ ისტორიული ფაქტია, რომ ისიდორე რამიშვილმა და სხვებმა აქტიური მონაწილეობა მიიღეს პარტიის დავალებით. შეაჩერეს თათარ-სომეხთა ჟლეტა და კიდევ შესძლეს მათი დაზავება და მშვიდობიანობის ჩამოგდება. რა შუაშია აქ სტალინი და ერთი მისი საგანგებო წერილი?

ბოლშევიკებს სიმართლე და ისტორიული ფაქტები არაფრად აინტერესებთ და ვერ მოგთხოვთ მიუდგომლობას; იქ ყველაფერი ნავარაუდებია პროპაგანდული მოსახრებით და არა ქემმარიტების დასაცავად. თუ ეს დაჩლუნგებული ხმალი პროპაგანდის კიდევ ერთხელ მოიქნის ჩვენსკენ, ალბათ რალაც თავიანთი შინაგანი გასაჭირი და დაბრკოლება აქვთ და ეს სხვას ვინმეს უნდა გადააბრალონ.

გულმოდგინეთ ცდილობენ დამალონ, მაგრამ ყოველთვის ამის მიჩქმალვა არც ისე ადვილია. არ შეიძლება მტრული განწყობილება არ იყვეს საერთოდ საბჭოთა კავშირში ერთა შორის და კერძოდ საქართველოში, რადგან ის გამომდინარეობს თვით ოქეიმის. მისი პოლიტიკური, სოციალური და ეკონომიური სისტემისაგან. ჩვენ გვაქვს პირდაპირი და არაპირდაპირი ცნობები საქართველოს შესახებ. რომ იქ ძალზე გამწვავებული დამოკიდებულებაა ქართველებსა და ჩამოსახლებულ უცხოელთა შორის. ჯერ კიდევ ამას წინეთ დაბრუნებული გერმანელი ტყვე, რომელმაც იმუშავა თბილისში, რუსთავში, ჭიათურაში და ქუთაისში, თავის მოგონებაში

აღნიშნავდა: ქართველ მუშებს კონკურენციას უწევს უცხოელები, უმთავრესად რუსები და სომხები, არის ისეთი შემთხვევები, რომ მათ შორის შეტაკებაც კი ხდება, რუსები შიშით ღამე ქალაქში ვერ გამოდიანო.

თბილისში და ყველგან საქართველოში რუსები, სომხები, აისორები, ასები და აზერბაიჯანელები უფრო მეტად სჩანან, ვიდრე ქართველები. ასეთია ტურისტების და ახლახან დაბრუნებულ ყურანალისტების შთაბეჭდილებანი: თბილისში პირველი შთაბეჭდილება, რომელიც მათ მიიღეს იყო გარეგანი ჩაცმულობა მცხოვრებლებისა აღმოსავლური სტილისა, რაც მათ მიამგვანეს ბაბილონის გოდოლს (Tour de Babel), სადაც ქართველებში აღრეულია სომხები. თათრები, თურქები, ჩერქეზები, ქურთები და რუსები («Monde» 30 სექ. 1955 წ.).

ჩვენ შეგვეძლო მოგვეყვანა ამის დამამტკიცებელი ბევრი ფაქტი თითო საქართველოს ცხოვრებიდან, სადაც ხშირად იმართება მოხსენებები, ქართველ-უცხოელების საგანგებო «მეგობრული» შეხვედრები, მათ შორის მტრული დამოკიდებულების შესანელებლად, მაგრამ ეს საქმეს ვერ შევლის და სიტყვიერ მეგობრულ გრძნობების გამოთქმის შემდეგაც მდგომარეობა იგივე რჩება.

გამარუსებულ პოლიტიკაში მეფის რუსეთს, არც მოსკოვის ბოლშევიკური რუსეთი ჩამორჩება. პირიქით ძველ ფოსტორგოვის ნაცოდვილარს დღეს ჩრდილს აყენებენ უფრო მოხერხებულად და თვალმაქცურად ახალი ფოსტორგოვები. სახელმწიფო დაწესებულებანი, უმაღლესი და საშუალო სასწავლებლები და სხვა სამეცნიერო ინსტიტუტები საგსეა მეტად საეჭვო რასის პროფესორებით. ყველგან რუსული ენაა გამეფებული. ქუთაისში იმდენად დიდია რუსების რაოდენობა, რომ მათთვის ყოველდღიურ გაზეთსაც კი სცემენ რუსულ ენაზე, რასაც ძველი რუსეთის დროსაც კი არ ქონია ადგილი. წარმოიდგინეთ რუსი დეპუტატებიც კი ბევრია არჩეული საქართველოს უმაღლეს საბჭოში. ეს სულ უბრალოდ, რუსეთის ერდგულების დასამტკიცებლად და გულის მოსაგებათ.

ასეთ გარემოებაში ბუნებრივია ქართველ ხალხში თავი ეჩინა უკმაყოფილებას უცხოელების მიმართ. ქართველი კომუნისტები ცდილობენ ეს უკმაყოფილება შეანელონ ინტერნაციონალური სოლიდარობის ქადაგებით, ლენინის და სტალინის ციტატებით ჩაუნერგონ ქართველ ერს დიდი რუსეთის სიყვარული და პატივისცემა.

გ. ევანია ასე ამთავრებს თავის წერილს: «ისე როგორც ლენინმა ჩაუნერგა რუსის ხალხს ამიერ-კავკასიის თავისუფლების მოყვარე ხალხისადმი მეგობრობისა და სიყვარულის გრძნობა. სტალინმა და მისმა თანამებრძოლებმა აღზარდეს ამიერ-კავკასიის მშრომელები დიდი რუსი ხალხისადმი უსაზღვრო სიყვარულის სულისკვეთებით». ამას სრულიად ხელი

არ შეუშლია არც ლენინისა და არც სტალინისათვის დაეპყროთ ხელშეორეთ ცეცხლით და მახვილით ეს თავისუფლების მოყვარე კავკასიური ერები და იქ საბჭოთა დიქტატურა დაემყარებიათ, მიუხედავად ხალხთა ნება-სურვილისა.

«საქართველოს პარტიული ორგანიზაცია, რომელსაც აქვს პროლეტარული ინტერნაციონალიზმის ლენინური იდეების სულისკვეთებით მასების აღზრდის დიდი და სახელოვანი ტრადიცია, თავის ერთ-ერთ უმნიშვნელოვანეს ამოცანად თვლიდა და თვლის დღესაც საქართველოს მშრომელების აღზრდას პროლეტარული ინტერნაციონალიზმის სულისკვეთებით, დიდი რუსი ხალხისა და საბჭოთა ხალხისადმი უსახლგრო სიყვარულისა და პატივისცემის სულისკვეთებით». ასე ასკვნის ხსენებული წერილის ავტორი, თვითონ მეტაქმეყოფილი ქართველი ერის ხარჯზე და დიდი რუსეთის იდეით შეპყრობილი, არავეითარ სამაგიეროს არ მოითხოვს რუსეთისაგან, რომ ელემენტარული უფლებები მაინც იქნეს დაცული იმ ერის, რომელსაც ის ეკუთვნის.

ჩვენის ღრმა რწმენით იმისათვის, რომ დამყარდეს ერთა შორის მეგობრობა და მტკიცე კულტურულ-ეკონომიური ურთიერთობა, სრულებით საჭირო არ არის იძულებით და შიმით სიყვარულის შექმნა და ძალით თავზე მოხვეული თანამშრომლობა. არც ის არის საკმარისი, რომ ბოლშევიკურ რუსეთმა, ისე როგორც მეფის რუსეთმა აწარმოოს გამარუსებელი პოლიტიკა, პატარა ერები გადააქციოს კოლონიით და სცარიცვოს შეუბრალებლად მათი სიმდიდრე, სიტყვით კი იქადაგოს ერთა თავისუფლება და თანასწორობა, სინამდვილეში კი ყოველდღიურად ანგრიოს მათი ეროვნული ცხოვრება.

როცა საქართველოს დაპყრობის პირველ ხანებში, დამშეულ რუსეთიდან მოაწყდა უამრავი რუსი და სხვა ეროვნებათა კომუნისტები, რამაც ქართველ კომუნისტებს მეტად გაუძნელა თანამდებობის შენარჩუნება, რაც ერთ-ერთი მიზეზიც იყო უკლონისტური მოძრაობის, ერთ ძველ კომუნისტს — ნესტორ ცერცვაძეს კომუნისტურ პარტიის ყრილობაზე მწარე სიტყვები ათქმევინა: «მარქსი ამბობდა: პროლეტარებო ყველა ქვეყნისა შეერთდით. მაგრამ მას ის არ უთქვამს ყველამ თავი თბილისში მოიყარეთო». ნ. ცერცვაძის ამ ნათქვამმა, მაშინ დიდი გახმაურება კპოვა მთელს საქართველოში ამის თქმას ახლა ვერაფერს ვაზნადვს. ამისათვის ეროვნული თავმოყვარეობა და გამბედაობა არის საჭირო. თანაგრძობველ კომუნისტებს ასეთ გმირობას ჩვენ ვერ მოვთხოვთ.

გ. ევანია ამაოდ შვრება «დაამტკიცოს!» უსაბუთოდ. ვითომც ერთა შორის შური-მტრობა ბურჟუაზიულ-ნაციონალურ პარტიების ბრალი იყვეს. არც ქართველი უკლონისტები და არც ნ. ცერცვაძე, არ იყვენ არც ეროვნულ-დემოკრა-

ტები და არც მენშევიკები, ისინი ისეთივე კომუნისტურ-ინტერნაციონალისტები იყვნენ, როგორც თვითონ არის, რუსეთის ერთგულებაში არც ისინი ჩამორჩებოდნენ მას, ხოლო როცა დიდი ერი, თუნდაც კომუნისტური ყლაპავს სულიერად და ხორციელად პატარა ერს, მასში იღვიძებს ბუნებრივი ეროვნული ცნობიერება და იწყებს ბრძოლას ეროვნული თვითარსებობისათვის. ქართველი ერის ეს გაღვიძებული ეროვნული ცნობიერება ნაციონალურ ბოლშევიკურ რუსეთს მოსვენებას არ აძლევს. მხოლოდ სამწუხარო ის არის, რომ ქართველი კომუნისტები მათ სამსახურში იმყოფებიან და შეუგუბლად მათი მსხვერპლი ხდებიან.

დასასრულ. თქვენ ხომ მარქსისტები ბრძანდებით, მისი «მეცნიერული» მეთოდით შეიარაღებული და ერთა სოლიდარობის, თუ ანტაგონიზმის მიზეზები უნდა ვძიოთ, არა სხვაგან, თქვენს გარეშე, არამედ თვით რეჟიმის სოციალურ ეკონომიურ სტრუქტურაში და თუ გნებავთ კიდევ მისს სახელმწიფოებრივ, პოლიტიკურ ორგანიზაციაში. სხვაგვარად თქვენი ვითომდაც ინტერნაციონალური ერთა სოლიდარობის ლენინური პრინციპები, მპყრობელ რუსულ ნაციონალიზმის სამსახურში, უფრო ამ იდეის პრაფანაცია არის, ვიდრე მისი რეალურად გამოყენება.

ერის ეროვნული თავისუფლება, კორდინაცია და არა სუბორდინაცია. ერთა თანასწორობა და არა დიდი რუსეთის ბატონობა წარმოშობს ერთა სოლიდარობას. და თუ თქვენ ერთა თანასწორობის გულწრფელი მომხრე ხართ, თქვენი ფარხმალიც სწორეთ იმისაკენ უნდა იყვეს მიმართული, ვინც ჩვენ ერს ეროვნულად ჩაგრავს და მის ქონებას ანიავებს, და არა ჩვენს მიმართ.

ს. კირაკაძე.

ბოლშევიზმის ფსიქოანალიზი.

თანამედროვე ფსიქოლოგიურ აღმოჩენებს, ქვე-ცნობიერებასთან დაკავშირებით, აუწონავი მნიშვნელობა აქვს თანამედროვე ეთიკისათვის, ესთეტიკისათვის, რელიგიის ფილოსოფიისათვის და საზოგადოთ კულტურის ფილოსოფიისათვის. კაცობრიობის სულიერ საღარომ ერთხელ კიდევ შეიძინა ახალი მეთოლოგიური ხერხი ვებერთელა მნიშვნელობის. ხერხი მეტად მკრეული და დიდი ეფექტიური ღირებულების. მეტად სამწუხაროა, რომ ის არ იქმნა გამოყენებული იმ ბრძოლისათვის, რომელსაც თავისუფალი მსოფლიო აწარმოებს კომუნისტურ მოძობის წინააღმდეგ. კომუნისტებს სძავთ ფსიქოანალიზი, გრძობენ მასში მათთვის სასიკვდილო იდეოლოგიურს საშიშროებას და მიდიან მეტად კომიკურ და მე-

ტად არასერიოზულ სიყალბემდე—უარყოფა საზოგადოთ ქვე-
ცნობიერების არსებობისა. საბჭოთა ენციკლოპედიაში, საბ-
რალო ზიგმუნდ ფრეიდი ფსიქოანალიზის ფაქტიური ფუძე-
მდებელი, ისე უნამუსოდ შეურაცყოფილია და შეგინებული,
რომ შეურაცყოფელიც გრძნობს ალბად რომ სტყუის და აშ-
კარადაც სტყუის ისე სამარცხვინოთ. როგორც ქვეყანაზე არა-
ვის არ უმტყუენია, არ უტრუენია. ასეთი ფსიქოლოგია ღირ-
სია ფსიქოანალიზის, არა ვინმეს დასაცაყად, არამედ ბოლშე-
ვიზმის მორალური სიფათის დასახატავად.

ქვეცნობიერი ჩვენი დროის ცნებაა. «ძველებური» გაგება
ადამიანის სულიერი ცხოვრების განისაზღვრებოდა ცნობიე-
რებით, რაც დევს ასე ვსთქვათ. განცდის ნათელ არზე. მგ-
რამ გარდა ცნობიერებისა, ადამიანის ფსიქიკაში სიცოცხლობს
და მოქმედებს შეუცნობელი ანუ როგორც ზევით ვახსენებ
ქვეცნობიერი. საკმარისია დაკვირვება და ანალიზი ისეთი
ფსიქოლოგიური აქტებისა, როგორც ყურადღების და ასო-
ციაციის შემთხვევებისა, რომლებზედაც აშენებულია მთელი
რიგი სხვა რთულ ფსიქიურ პროცესებისა. როგორც მაგალი-
თად, განსახეობის, დამახსოვრების, ათვისების ფენომენები,
რომელიც არასოდეს არ უდრის აღქმათა ჯამს. მაგრამ მიწ-
ყიდ თანაარსებობას მათთან, უწინ დაგროვილი აღქმათა მეტ
თუ ნაკლებ ინტენსიურს რუთიად შეუცნობელი მონაწილეო-
ბით, რომ დავრწმუნდეთ ქვეცნობიერების არსებობაში.

ის არ იმყოფება ცნობიერების ნათელ მოედანზე, ის თი-
თქოს ჩაძირულია სადღაც სიღრმეში და დროგამოშვებით
გვამცნობს თავის თავს. ეს არის ძველის-ძველი ქაოსი. რ.მე-
ლიც ბობოქრობს და ყალყზე დგება მარად უამს ცნობიერების
წინ-კართან, მაგრამ თავის საშოში ატარებს და იტევს შესა-
ძლებლობათა და მისწრაფებათა დაუსრულებელ სფეროს.
მდიდარს და მრავალსახიანს თავისი შინაარსით. ასეთ ქაოსთან
მისვლა, მასში შეჭრა, მისი დაუფლება ძალიან ძნელია. ქვე-
ცნობიერი არ ემორჩილება ბრძანების იმპერატიულ ხორმებს,
ამ უკანასკნელისათვის ის დაკეტილია. მთავარია იმის გაგება,
თუ რა სწარმოებს მასში და ამისდამიხედვით ვიმოქმედოთ
მასზე. პირდაპირი გზა დახშულია შესაძლებელია მხოლოდ
შემოვრებით, ფსიქოანალით. აქ არის სწორედ ფრეიდის დამსა-
ხურება და მის მიერ, ქვეცნობიერის ეროტიული ბუნების აღ-
მოჩენა ე.წ. libido-ს ცნება, რომლის გაფართოების საჭიროება
დაინახეს მისმა მოწაფეებმა (აღლერი, იუნგი და სხვა). ჩვენი სა-
კითხის გარკვევისათვის ჩვენ უფოო გვინტერესებს აღლერი,
რომლის გაგებით: ადამიანის სულიერ ცხოვრების მოძრავი
ზრახნილი ძალაუფლების და ბატონობის წყურვილია. ეს არის
ვგარე წოდებული არაპირობადადებული (უპირობო) რეფლექ-
სი. ფუნდამენტალური ყველა ცოცხალ არსებისათვის. რეფ-
ლექსი ანუ ინსტიქტი ძალაუფლების, მისაკუთრების და და-

მორჩილება-მფლობელობის. ბავში ყოველ საგანს ეპოტინება და პირისაჲც იცაცებს. ცხოველი ცდილობს გაქცეულ თავის მსხვერპლს დაეწიოს და დაგლიჯოს. ადამიანიც მიილტვის დაეუფლოს, დაიმკვიდროს, დაიმონაოს ყველაფერი რაც შეუძლია და განსაკუთრებით კი მოყვასი მისი. ეს ინსტიქტი ელემენტარული და სტიქიურია, როგორც თვით ცხოვრება. მაგრამ კულტურას შეუძლია მისი აღზრდა, გაკეთილშობილება, სტიქიურ ძალთა კულტურულ ღირებულებებთ გარდაცმნა, მისი «ამაღლება» ე. წ. სუბლიმაცია. ადამიანის მისწრაფებანი და ვნებანი თავის თავად ცუდნი არასოდეს არ არიან. სიამე და სიკუდღე არა საგნებშია არამედ საგანთა მრუდ და მახინჯთ გამოყენებაში. ჭამა როდია ცუდი—არამედ ღორმუცელობა, არა ფულია ცუდი—არამედ სიძუნწე, არა სახელი—არამედ პატივმოყვარეობა.

ადამიანის სულიერი ცხოვრება ექვემდებარება ერთს ძირითადს კანონს. რომლის წყალობით არც ერთი სულიერი ღირებულება არ იკარგება ისე თუ ის არ იქმნა ასე თუ ისე შეცვლილი, მაგრამ რადგანაც ეს არსებითად შეუძლებელია; ადამიანის სულში სცოცხლობს უშრეტო მისწრაფება კომპენსაციისადმი. ეს კომპენსაცია მეტად თუ ნაკლებად ილიუზიურია რადგან ის იკვებება «ერზაცებით» და ამდენადვე ნეგატიური ღირებულებებისაა. განსაკუთრებით სპეციფიური უარყოფითი ღირებულებებისაა ის სულიერი ტკივილები (ტრავმები). რომლებიც მომდინარეობენ არა ობიექტიურ, უეშმარტო ღირებულებათა სამყაროდან, არამედ იმ «ნაკიანობის» შეგრძნება აღქმიდან, რომელსაც ცნობილმა ადღერმა «დაბალღირსების» ანუ «არარაობის» კომპლექსი უწოდა. შეურაცყოფილი თავმოყვარეობა. დაუკმაყოფილებელი პატივმოყვარეობა. შებღალული სიამაყე და სხვა მეტად მძაფრად განიცდება და ამდენადვე ძნელად განიკურნება. იქმნება ნოციერი ნიდაგი ილიუზიური კომპენსაციებისათვის. მაგრამ უმეტესს შემთხვევაში ილიუზიურობა კომპენსაციებისა სრულიად არ ნიშნავს სიგიჟეს კლინიკურ გაგებით. მაგალითად. გამდიდრების სურვილი თუ სიმდიდრე თავისთავად, როგორც თვით მიზანი ერთ-ერთი ფორმაა საკუთარი «მე» ს ილიუზიური დადგენილებისა. ამ შემთხვევაში ადამიანი აერთიანებს მისი პიროვნების მნიშვნელობას მის შეძენილ ქონებასთან. აქ როგორც ვხედავთ ადგილი აქვს «ღირსებათა» აღრევას. ეს უკანასკნელი ყველაზე უფრო ძალაუფლებისადმი მისწრაფებაში, როდესაც ის მკვიდრდება, როგორც თვით-მიზანი და არა საშუალება. აქაც აღრევა და დაბნევა. აქაც ძალაუფლების ილიუზიასთან და მოჩვენებასთან გვაქვს საქმე. გაურკვეველი, შეუცნობელი შეგნება ამ ილიუზიურობისა მოითხოვს ახალ-ახალ «სანახაობებს» ძალაუფლების რეალიზმის განმტკიცებისათვის. ამიტომ არის ასე გაუმაძღარი და აღუესებელი ძალა-

უფლებების მოყვარული დემონი, საწყისი და სათავანი ყოველგვარი სიავისა და ბოროტებისა, რომელიც მუდამ ძალაუფლების სამოსელში ეხვევა, მაშინ, როდესაც სიკეთე მის საკმარობას სრულიად მოკლებულია. ყოველი აბსოლუტურიზაცია რელატიური (მედარებით) ღირებულებისა (ძალაუფლება) შურს იძიებს თავისი შინაგანი დაუკმაყოფილებლობისა გამომ—ეს კი ბადებს ბოროტ საშუალებათა განუწყვეტელ ზრდას. ამას აქვს ადგილი მაშინ, როდესაც პოზიტიურ, მაგრამ მაინც მედარებითს ღირებულებას აბსოლუტურ სახეულობას ვანიჭებთ, რადგანაც პრაქტიკულად ის უარყოფითს ღირებულებაში გადადის.

ასეთია დაახლოებით ბოლშევიკური რევოლუციის დიალექტიკა, რომელიც კეთილ-სინდისიერი ცდომილებით დაიწყო და შემდეგ ბოროტ ნებაში გადაეშვა, რომლის სოციალური განაარსება თანამედროვე საბჭოთა კომუნისზმი. რომ ყოველ რევოლუციაში შურისძიება სიძულვილი დიდ როლს თამაშობენ. ეს ძველთა-ძველი ამბავია, მაგრამ ბოლშევიკურ რევოლუციაში ეს ელემენტები მეტად დემონიკალური ხასიათისაა. აქ სიძულვილის მიზანია მოპირდაპირის მოსპობა-განადგურება. მაგრამ რაც მთავარია მისი წვალება და წვალეობა ხანგრძლივად. რათა გული მოიჯეროს და დასტებეს თავის ობიექტის წვალეობით. ეს კი პირწაყარდნილი საღიზნია. ერთერთ სპეციფიური. ნიშნობლივი თვისება ბოლშევიზმისა.

ბოლშევიკი სრულიად არ არის ის ადამიანი, რომელსაც თავისი თავი უყვარს, მისი ქვეცნობიერება იმდენად დატვირთულია და დაყურსული ზიზღითა და შურით. თითქოს ეს გრძნობა ამოვარდნილი იყოს მისი არსებიდან, და სწორედ ეს (თავისი თავის არა სიყვარული) არ უპატიებია სხვებისათვის, ეს მისი ნაკლი ასე რომ არ მოსწონს თავის ვინაობა. ეს არის ის გრძნობა, რომელსაც უწოდებენ «არარაობის კომპლექსს» —დაკავშირებულს მკაცრ და სასტიკ კომპენსაციებთან. ასეთი სულიერი სტრუქტურის მქონე ადამიანი კომფლიქტში არა მარჯო სხვასთან, არამედ თავის თავთანაც, ის ყველას უნდობლობის თვალთ უყურებს, ყველგან მტრები ელანდება რელაური თუ მოჩვენებითი—ის ამით საზრდოო ბს და ამით იკვებება. ერთი მეტად საკვირველი მხარე ბოლშევიკური რევოლუციის მის უმადურებაშია. მან მოსპო და საბოლოოდ მოსთხარა ამ ქვეყნიდან მისი სულის ჩამდგმენი, მისი შემქმნელი—ეს კი არის ყველაზე საზიზღარი, სულმდაბალი და ჩიჩქიანი ნიშანი ამ რევოლუციის. ეს არის ამ რევოლუციის პარადოქსი და თუ გნებავთ დიალექტიკაც. რევოლუციის საბოლოოდ გამარჯვება მსხვერპლს მოითხოვს, ამისათვის ყოველი საშუალება მისაღებია. იდეა, «მიზანი ამართლებს საშუალებას», დისკალიფიკაციაა თვით მიზანის. უდიდესი საიდუმლოება სწორედ იმაში მარხია, რომ საშუალება მთა-

ვარია, ვიდრე მიზანი. საშუალებათა და გზათა ბუნება გვამცნობს, თუ რა ხალხთან გვაქვს საქმე. ძალმომრეობა არასოდეს გადადის თავისუფლებაში, სიძულვილი—ქმობაში, ბოროტება—სიკეთეში. ადამიანი, რომლის სახელმძღვანელო პრინციპია «მიზანი ამართლებს საშუალებას, მონაა მის მიერ არჩეულ დაბალ, არაწინააღმდეგე საშუალებებს. აქ ბოროტება პრაქტიკულად გადადის თვით-მიზანში. ეს პროცესი მიმდინარეობს შეუცნობლად, რადგან ადამიანი «უკანასკნელ წუთამდე» დარწმუნებულია, რომ ემსახურება სიკეთეს, მაშინ როდესაც სინამდვილეში ბოროტი სული დაეპატრონა მთელს მის არსებას—და ჯოჯოხეთური შეუბრალებლობით და გაიძვერობით აშენებს ბაბილონის იმ გოდოლს, რომელსაც კომუნისტური სამოთხე ეწოდება. გაიძვერობით ვამბობთ, იმიტომ, რომ ის არასოდეს არ აჩენს თავის ნამდვილ სახეს. ბოროტი სულისათვის ხელსაყრელია დააჯეროს კაცობრიობა, რომ ის არ არსებობს, რადგან, მაშინ მას თავისუფალი გასაქანი ეძლევა უფრო ადვილად აკეთოს თავისი ბნელი საქმეები. ის სიკეთის წვენიტ საზრდოობს რადგან არ გააჩნია საკუთარი არსობრივობა.

დემოკრატია თავისი ჰუმანიური პრინციპებით თვითგამორკვევისა და თვითმართველობისა მეტად ახლოა ადამიანის სულთან და გულთან და ამდენადვე ის პოპულიარულია და «ყველასათვის» მისაღები. აი ამიტომაც, დღეს ტოტალიტარული დიქტატურა სახალხო დემოკრატიის ფსევდონიშს ატარებს. «ფარისევლობა ხარკია, რომელსაც ბოროტება აძლევს სიკეთესა-ო ამბობს შექსპირი. აქ დემოკრატიისადმი პატივისცემის ხარკი ნათლად მეტყველებს. მხოლოდ ჩვენ ერთი ვერ გავგვიგია, რატომ დასავლეთის დემოკრატია მსე ადვილად შეითვისა ეს უაზრო და ძალზე უნიჟო ტერმინი, როგორცაა «სახალხო დემოკრატია».

დაბოლოს ერთათ ერთ საინტერესო ფენომენს უნდა უყუთ ანალიზი. კომუნისტებმა პირველად ისტორიაში (მსოფლიო მამბაბით) სცადეს კომუნისტური იდეის განხორციელება. მაგრამ საკითხავია, როგორი სულიერი და მორალური საგზალიტ მოვიდენ ამ ქვეყნად და როგორი სახის გამომეტყველებით? სულიერი და მორალური სიმანხიჯით, სილამაზის მადლს მოკლებული. ამიტომ აქვთ კომუნისტებს, როგორც ზევით აღინიშნა ressentiment. მათ აღეღებებს, რომ ცუდ შთაბეჭდილებას სტოვებენ, სახის უბეში გამომეტყველებით, მანხიჯი ექსტებით, პროვინცილობით» და მანხიჯი არაკეთილ მობილ სულიერ წყობით. ეს უბრალო ამბავი როდია. სიმანხიჯე არის ყოველთვის ნიშანი ყოფის ონტოლოგიური დაზიანების, მაშინ როდესაც ნათელფენილი და მადლმოსილი ყოფა სილამაზეა. ამიტომ ამბობს პლატონი ეროსი «სილამაზეში დაბადება»-ო. ეროსი ლტოლვაა «ამაღლებუ-

ლია-ს სრულქმნილობის სუბლიმაციის, ბოლშევიზმი კი გამრუდებული ეროსია, ეროსი სიძულვილის, შურის, გაუტანლობის, ღვარძლის და თავაშეებული ბოროტების—ეროსი დეგრადაციის და ნგრევის, რომელსაც არავითარი კავშირი არ აქვს საკაცობრიო იდეალის ღირსებასთან.

ასეთია ბოლშევიზმის სულიერი და მორალური პორტრეტი; ეს თანამედროვე მრავლის განამრაველი ბოროტება.

მ. კალანდიაძე.

ქართული ეკლესია.

ჩვენს ეკლესიას დიდი როლი და დამსახურება მიუძღვის ქართველი ერის არსებობის დღემდე შენარჩუნებაში. დაპყრობილ საქართველოში ეკლესიის დღევანდელი მდგომარეობა ხიფათში აგდებს ჩვენი ეროვნული ცხოვრების ამ სულიერ დასაყრდენის საერთო არსებობას. 2455 ეკლესიიდან, რუსეთის საბჭოთა რეჟიმს გადაჩენია (თანახმად 1951 წლის ქათალიკოს კალისტრატეს მიერ «New-York Times»-ის წარმომადგენელ ბ-ნ პარისონ ე. სალისბერი-სადმი განცხადებისა) მხოლოდ 100 სამრევლო და ალბად ამოღენივე ეკლესია და მღვდელი.

ქართულმა ემიგრაციამ ამ დარგშიდაც უნდა შეასრულოს თავისი როლი. შემოკრბეს უცხოეთში ერთადერთი არსებული (1929 წლიდან) პარიზის ქართული ეკლესიის ირგვლივ, გაუწიოს მას მორალური და მატერიალური დახმარება. რათა მისთვის შესაფერ სიმალეზე დააყენოს, როგორც ნიმუში ძველი ივერიის ეკლესიისა. არა კმარა წარჩინებულ მოძღვარ მამა ილიას დაულალავი ღვაწლი, მას სჭირდება მრევლისაგან მხარში ამოღვომა, და იმედის მიცემა. ხშირად საცოდავის შთაბეჭდილებას ახდენს ჩვენი ეკლესია, განსაკუთრებით შესაფერი მგალობელთა გუნდის არყოლით. საეკლესიო კომიტეტმა ამ საქმეს უნდა დასძლიოს, საჭირო პირთა დახმარებით. საჭიროდ მიგვაჩნია წირვა-ლოცვის აღსრულებისას დაცულ იქმნას ქართული ეკლესიის წეს-რიგი-რიტმი. უცხოეთში და უცხო აკადემიაში აღზრდილ მოძღვარისათვის არ არის ეს ადვილი საქმე. საზღვარ გარეთ გვყავს ქართული ეკლესიის რამოდენიმე ძველი და მცოდნე მოძღვარი: ჩრდილო-ამერიკაში დეკანოზი კაპანაძე, სამხრეთ-ამერიკაში მამა ნიკოლოზი (ხამბახიძე), ესპანეთში დეკანოზი მამა რაფიელ ინგილო. მათთან დაკავშირება ვფიქრობთ გაუადვილებს მამა ილიას მის მძიმე მოვალეობის აღსრულებას.

ქართული ეკლესია მუდამ წმინდა ეროვნული იყო და ეროვნულ ინტერესებს ემსახურებოდა. ეროვნულ თვითარსებობის ნიადაგზე მდგომი და მისი გამმაგრებელი. მეტი

განცალკევება გვეჭირდება რუსულ ეკლესიისაგან, დასაფლავება თუ ჯვარისწერა ქართულ ეკლესიაში უნდა ხდებოდეს და არა რუსულ ეკლესიაში. ამით ჩვენ ვაწიანებთ ჩვენს ეროვნულს მეობას და გაუგებრობაში ვაგდებთ ევროპიელებს ჩვენი ვინაობის შესახებ.

ა მ ა ო მ ო წ ო ღ ე ბ ა .

ამ უკანასკნელ ხანებში, ქართულ ემიგრაციაში ბლომათ დარიგ და ინდივიდუალური ხასიათის მოწოდებები, რომლის უბადრუკი ავტორები, ყოფილი ემიგრანტები, დღეს საქართველოს მტრებთან შერიგებულნი, მოუხმობენ ქართველ ემიგრანტებს ბოლო მოუღონ უცხო ქვეყნებში მათ გაჭირვებულსა და დამამცირებელის შრომით ყოფა-ცხოვრებას და დაუბრუნდნენ მათ სამშობლოს. ჰპირდებიან, რომ უკანასკნელი მათ აპატიებსთ დანაშაულს და გულში ჩაიკრავს დედაშვილურის სითბოთი. ბერლინის აღმოსავლეთ ნაწილში არსებულმა საბჭოთა რადიო-სადგურმაც გაახშირა ასეთი ხასიათის მოწოდებების გადმოცემა.

— სჩანს ქართული ეროვნული ემიგრაციის არსებობა არც ისე უმნიშვნელო ყოფილა. მისი მორალური ძალა, 35 წლის განმავლობაში ქართული ეროვნულ-პოლიტიკური სულიერი სიმკაცრისა და სიმტკიცის მიუდგომელ ციხეს რომ წარმოადგენს, ცხადია მოსვენებას არ აძლევს საბჭოთა რუსეთის ხელისუფლებას.

მსოფლიო ომის დამთავრების პირველი დღეებიდანვე მოველინა ქართულ ემიგრაციას საბჭოთა ემისრები. მისი დაშლისა და დასუსტების მიზნით. ამოდ ჩაიარა ამისათვის გაწეულმა ხარჯმა და ღვაწლმა. ქართული ეროვნულ-პოლიტიკური ემიგრაცია თითქმის უკლებლად, ისტორიის მიერ მისთვის მიჩნეულ შეუფრთხებელ პოზიციებზე დარჩა და განაგრძობს უცხოეთში ეროვნულ განმანთავისუფლებელ მოძრაობას. ის არა ჰკავს რუსის ემიგრაციას, სამოქალაქო ბრძოლებში დამარცხებულ დენიკინ-კოლჩაკის ჯარების უკან დახევით რომ წამბრმოიშვა. ის დამოუკიდებელი საქართველოს საბჭოთა რუსეთის მიერ დაპყრობამ წარმოშვა, ომში დამარცხებული დამოუკიდებლობის დროშით გამოვიდა უცხოეთში. 35 წლის განმავლობაში ეროვნულ აჯანყებებში დამარცხებული მებრძოლი ქართველობა ემატებოდა უცხოეთში გამოხიზნულ ქართულ ემიგრაციას. უკანასკნელი დიდი ომის დროს მას მიეძღა, საბჭოთა საქართველოდან საომარ ასპარეზზედ გაწვეული ახალი თაობა, რომელთაც ზურგი უქციეს მათი ქვეყნის მტრებს და იარაღით ხელში, ქართველ ემიგრანტებთან

ერთად, ჩვენი ერის განმანთავისუფლებელი ბრძოლის ერთი ეპოქა ჩასწერეს ჩვენი ისტორიის სისხლიან მატრიანენი.

ჩვენ არ წამოვსულვართ კარგი ცხოვრებისათვის, კარგი სმა-ქამისათვის, ჩვენი პირადი ბედნიეობისათვის ყველა ამახედ ჩვენ უარი ვთქვით დაპყრობილ საქართველოშივე და ერისა და ქვეყნისათვის თავისუფლების აღსადგენად ტანჯვა-წამებისა და სიმწარის გზა ვარჩიეთ. მონობასა და შერიგებას — თავისუფლება და ბრძოლა. სამშობლოსათვის სამშობლოც დავსთმეთ. ძნელია უცხოებაში ყოფნა. გაჟივრებაც ბევრი ვნახეთ და სიმწარეც, ოღონდ არასოდეს დამცირება არ განგვიცდია და ჩვენ მასპინძელთა წყალობით, ჩვენი საკუთარის შრომით აღამიანის ღირსების შეულახავად ვცხოვრობთ და განვავარძობთ ჩვენი ერთგული მოვალეობის აღსრულებას. ეს ბრძოლის გზა მიგვიყვანს ჩვენ ერთ დღეს «აღთქმულ თავისუფალ ქვეყანამდე».

არა გვეგონია სამშობლოსაგან საპატიებელი ჩვენ რამე გვექონდეს, თუ სამშობლოთ საქართველოს გულისხმობენ, მოწოდებაზედ ხელთ მომწერნი და არა საბჭოთა ოუსეთის იმპერიას.

დაპყრობილ და მონათა ქვეყანად ქცეულ საქართველოში დაბრუნებასა, რომ არ გვაპატიებს ჩვენი სამშობლო. იქ დაბრუნებასა და ნაძრახ ცხოვრებას აქ პატიოსანი და სახელოვანი სიკვდილი გვირჩევნია.

გივი.

ქართული მკოვხულ-პოლიტიკური ცენტრის

საინფორმაციო მიუტრუსაგან:

მემორანდუმი ამერიკული კომიტეტისადმი.

ქართ. ერ.-პოლიტიკური ცენტრის საგარეო საქმეთა კომისიამ რამოდენიმე თვის წინ ვრცელი მემორანდუმით მიმართა ამერიკული კომიტეტის ახალ თავმჯდომარეს აღმირალ სტივენსს.

მემორანდუმში მიუთითა ამერიკული კომიტეტის მიერ თავიდან აღებული პოლიტიკური ხაზის მიუღებლობაზე, რუსეთის მიერ დაპყრობილი ერებისათვის. აღნიშნა საბჭოთა რუსეთის ფარგლებში მომწვედელი ერების განთავისუფლების საკითხში ამ კომიტეტისა და ამერიკის მთავრობისა და ოფიციალური წრეების ხაზთა სხვადასხვაობა. ხაზგასმით მიუთითა, რომ საქართველოს დამოუკიდებლობის საკითხი იმავე უფლებრივ კატეგორიას ეკუთვნის, რომელშიდაც სატელიტების დამოუკიდებლობის საკითხს ათავსებენ და რომ შეუფერებელია და მიუღებელი საქართველოს დამოუკიდებ-

ლუბის აღდგენა, რუსეთის შინაური პოლიტიკის საკითხად იქმნას დასმული მომავლისათვის. დასასრულ იმედი გამოსთქვა, რომ ამერიკული კომიტეტი ხანგრძლივი გამოცდილებით, მივა მისი პოლიტიკური ხაზის შეცვლამდე, პიროვნებისა და ეროვნების თავისუფლების დროშას აღმართავს და შესძლებს საბჭოთა რუსეთის წინააღმდეგ საიმედო, სალიბერალური ძალების თავის მოყრასა და დარაზმევას ეროვნულ ემიგრაციათა შორის.

მემორანდუმი ევროპის «ტყვედქმნილ» ერების კრებულს.

ქარ. ერ. პოლიტიკური ცენტრის სახელით საგარეო საქმეთა კომისია მემორანდუმით მიმართა ევროპის «ტყვედქმნილ» ერების (სატელიტების) კრებულს, რომლის სხდომები ჩატარდა სტრასბურგში გასული წლის ივნისის ბოლო რიცხვებში. განუშარტა მათი დაპყრობის ოცი წლის წინ, იმავე მტრის მიერ დაპყრობილი საქართველოს მდგომარეობა. მოაგონათ, რომ დამოუკიდებელი საქართველოს სახელმწიფო ცნობილი იყო თავის დროზე მთელი მსოფლიოს დიდი და პატარა სახელმწიფოების მიერ ფაქტიურად და იურიდიულად. აღნიშნა, რომ მათი სახელმწიფოებისა და საქართველოს დამოუკიდებლობის უფლებრივი მდგომარეობა ერთსა და იმავე საერთაშორისო სამართლის არეზე სდგას თანასწორად და სთხოვა, რომ მათ წრეში მიღებულ იქმნას ქართველი ერის წარმომადგენელი მათთან თანასწორის უფლებით.

მიმართვა ქართული ეროვნული ხაბჭოხადში.

ქართულ-ეროვნულ-პოლიტიკურ ძალთა გაერთიანებისათვის დაარსებულ კომისიაში ახრთა გაცვლა-გამოცვლის, მოპირდაპირეთაგან მოცემული წინადადებისა და კომისიის თავმჯდომარის თანხმობით ეროვნულმა ცენტრმა ვრცელი მოწოდებით მიმართა ეროვნულ საბჭოს ყრილობას წ. წ. 28 მაისის სხდომაზე. მიმართვაში მუხლობრივადაა გამოთქმული ის მთავარი დებულებები, რომელთა პასუხის გაცემაზე იყო დამოკიდებული ეროვნული ერთობის ბედი. ყრილობამ მის აღმასრულებელ კომიტეტს გადასცა იგი განსახილველად.

ამ ბოლო ხანებში შესდგა ზემოხსენებული კომიტეტისა და ეროვნული ცენტრის მიერ გამაერთიანებელი კომისია, რომელიც მუშაობს ამ ორ დაწესებულებაში შემაჯავ და საერთოდ ყველა ქართული პოლიტიკური ძალების გაერთიანებისათვის. კომისიის საერთო მუშაობის მსვლელობა იმედს იძლევა, რომ აღნიშნული კომისია, დადებითად დაასრულებს მის საქმიანობას და მიიღწევს ქართულ ეროვნულ-პოლიტიკურ ძალთა ერთი მთლიანი პასუხისმგებელი პოლიტიკური ორგანოს შექმნას.

ღრი საჯარო მოხსენება.

წ. წლის განმავლობაში ეროვნულმა ცენტრმა მოაწყო ორი საჯარო მოხსენება. რუსული ემიგრაციის ცნობილი პოლიტიკური მოღვაწისა და მწერლის ბ. ვრ. ალექსინსკის (საბჭოთა რუსეთის წინააღმდეგ ბრძოლის საკითხები) და მისი წევრის ბ. ლ. ზურაბიშვილის მოხსენება «ერების თავისუფლების პრობლემა საბჭოთა რუსეთში» ორთავე მოხსენებას მრავალი უცხოელი დაესწრო, შინაარსიანადა და ნაყოფიერად ჩატარდა. უკანასკნელი მოხსენების თავმჯდომარის ხტრასბურგის უნივერსიტეტის უფლების კათედრის პროფესორ მ. მუსხელიშვილის შესავალმა და საბოლოო სიტყვამ ძლიერი შთაბეჭდილება მოახდინა თვით მოხსენებით ფრიად დაკმაყოფილებულ საზოგადოებაზე.

შვეიცარიის კონფედერაციის პრეზიდენტ პეტრებიერს.

წ. წლის ივლისის ბოლო რიცხვებში შვეიცარიის ეროვნული დღესასწაულისა გამო. ქართ. ერ. პოლიტიკური ცენტრის საჯარო საქმეთა კომისიამ შემდეგი შინაარსის მისაღობი ბარათი გაუგზავნა კონფედერაციის პრეზიდენტს:

«ვასრულებთ რა ქართ. ემიგრაციის მოვალეობას, დაპყრობილი ჩვენი ერის ნაცვლად მსოფლიოში ყველგან ისმოდეს მისი ხმა. გილოცავთ კეთილშობილი შვეიცარიის ეროვნულ დღეს, მეგობრობის სიმბოლოს სახით რომ დღესასწაულობთ ყოველ მეოთხედი საუკუნის დასაწყისში.

ქართველ ერსაც აქვს უაღრესი კულტი მეგობრობისა და მეგობრობის, რომელიც ხელს უწყობდა მისი ცხოვრების სიტკბოებას, ქართული სულის კეთილშობილებასა, ძმათა შორის სოლიდარობასა და სიყვარულს. აღბათ ამით აიხსნება, ის მოვლენა რომ ქართველობამ. კაპადოკიიდან მოსულ, მის ქრისტიანულ სჯულზედ მომქცევ წმიდა ნინოს, სამარადისოდ ხელთ მისცა მისივე თმებით შეკრული ვაზის ჯვარი.

ჩვენ ვკადნიერდებით გადმოხვეწილ თანამემამულეთა და ტყვედქმნილი ქართველი ერის სახელით მიულოცოთ თქვენის სახით ეს დიდი ეროვნული დღესასწაული კეთილშობილსა და გულუხვ შვეიცარიას, ქეშმარიტ ძმობა-ერთობისა და თავისუფლების დიად სამშობლოს, რომლის ამაყ შვილებს არა ერთხელ აუმაღლებიათ ხმა დაპყრობილ საქართველს დასაცავად».

ტელეგრამა პრეზიდენტ აიშენჰაფერს.

ინგლისის მთავრობის თავმჯდომარე ედენისა და ამერიკის პრეზიდენტი აიზენჰაუერის შეხვედრისა გამო. რომლის საგანი იყო შუა და ახლო აღმოსავლეთში მშვიდობიანობის აღდგენა, ქართულ ეროვნულ-პოლიტიკური ცენტრის საგა-

რეს საქმეთა კომისიამ შემდეგი ტელეგრამით მიმართა ამერიკის პრეზიდენტს აიზენჰაუერს.

«ჩვენს მოვალეობად მიგვაჩნია მოგაგონოთ რომ არავითარი მშვიდობიანობა ვერ დამყარდება ვერც შუა და ვერც ახლო აღმოსავლეთში სანამ საქართველო და კავკასიის სხვა ერები რუსეთის მონობაში იქნებიან.

რუსეთის მიერ დაპყრობილი და კოლონიებად გადაქცეული ერების თავისუფლების საკითხი, არ არის მხოლოდ საერთაშორისო სამართლიანობის საკითხი, არამედ იმავე დროს თავისუფალი მსოფლიოს არსებობისათვის აუცილებელი პირობაა.

მოგიძღვნით სრულ ნდობასა და სალამს უღრმესი პატივისცემით».

ტელეგრამის ასლები გადაეგზავნათ. ამერიკისა და ინგლისის საგარეო საქმეთა სამინისტროებსა და ამერიკის სენატის რამოდენიმე წევრს.

მეთვალყურის უწინგზავნი.

სტილის საკითხი.

ცნობილ დებულებას «ეროვნული ფორმა—სოციალისტური შინაარსით», რომელიც გადმოისროლა სტალინმა, საბჭოთა ერების ახალი კულტურის შესაქმნელად, ქართველი ხუროთმოძღვრები, უკანასკნელ დრომდე მოხერხებულად იყენებდნენ ავად თუ კარგად და სცდილობდნენ არხიტექტორულ-მხატვრულ სახეებში დაეცვათ ძველი ხუროთმოძღვრების მემკვიდრეობით გადმოცემული ქართული სტილი. ახალი დიქტატორის ბრუშჩევის ხანამ სრულიად შესცვალა ეს ვითარება: წარსული პლასტიკური ფორმების გამოყენება, სოციალისტური რეალიზმის პრინციპების შეღახვას იწყებს თუშე. მშენებელთა საკავშირო თათბირზე ბრუშჩევიმ განაცხადა: «ჩვენ არ შეგვიძლია გავგიტაცოს არხიტექტურულ მადეკორაციებმა, ესტეტიურმა შემკობა გალამაზებამ. ამ ზედმეტობის წინააღმდეგი ვარ»-ო. ცენტრის მოცემულ დებულებას გამოეხმაურენ პერიფერიები. საქართველოს ტენიკური ინსტიტუტის პროფესორი არხიტექტურის დოქტორი ავაბანიანი აცხადებს ქართველ ხუროთმოძღვართა საყურადღებოთ: «არხიტექტურაში ეროვნული ფორმა არ არის მუდმივი, იგი ვითარდება ცხოვრების კონკრეტულ მოთხოვნილებათა შეფარდებით»-ო. მოუწოდებს მომავალში მშენებლებმა სანიშნულთ იქონიონ და შთაგონება მიიღონ მოსკოვში, ლენინის მავზოლეს სტილით, რომელიც თურმე, იდიალურად გამართლებული, საბჭოთა არხიტექტორული ნაგებობის საუკეთესო ტიპია.

ამგვარად, «ეროვნული რესპუბლიკები» მოსკოვს უნდა დაემორჩილონ სტილის საკითხშიდაც.

იღებება ქართული კულტურის ძეგლები.

«საქართველო უძველესი კედლის ანუ საფრესკო მხატვრობის ქვეყანაა. ქართული საფრესკო მხატვრობა მთელ მსოფლიოშია ცნობილი. მაგრამ ამ 10—15 წლის განმავლობაში მოუვლელობის შედეგათ, არა ერთი მხატვრობა სრულიად მოიხსოა ისე, რომ ასლებიც კი არ დაგვრჩა მათგან გადაღებული. ასე დაიღუპა მთლიანად მუხროვანის მე-13 საუკუნის მხატვრობა, რომელიც თავისი ტენიკით, ფერწერით წინ უსწრებდა დიდებულ უბისის მხატვრობას. დაიღუპა ნაბახტევის უნიკალური ბრწყინვალე მხატვრობა. ასევე განადგურდა ფავნისის (მე 13 საუკუნე), ტაბაკინის (მე-14 საუკუნე), ერკეთის და სხვა საფრესკო მხატვრობა. დღეს დიდ საფრთხეშია ისეთი მსოფლიო შედევრები, როგორც არის უბისის, ყინწვისის, ატენის, დავით გარეჯის, ბედიის და სხვა ფრესკები, რომელთა უმეტესობა წყლისაგან ირეცხება».

ეს საშინელი სიტყვები წარმოსთქვა მწერალმა გ. ლეონიძემ საქართველოს ს.ს.რ. უმაღლეს საბჭოს ამწლის ყრილობაზე, რომლის დეპუტატთა ის იმყოფება. რომელ ქართველში არ გამოიწვევს გულისტკივილს ეს ამბავი. ჩვენი ეროვნული კულტურის განძი, რომელნიც ქართველმა ერმა მრავალ საუკუნოების განმავლობაში შექმნა და დღევანდელ თაობას შენახულ-მოვლილი გადმოსცა, დღეს უგზური ხელისუფლების წყალობით იღუპება.

შესაძლებელია ეს უუურადღებობა ძველი კულტურის ძეგლების მიმართ, გამართლდეს უსახსრობის გამო. მაგრამ როგორ უნდა აიხსნას თბილისის მუზეუმის არქივების განადგურება. თბილისის ქართული მუზეუმი, შექმნილი ქართველი ერის მიერ ჯერ კიდევ საქართველოს გასაბჭოებამდე, მდიდარი იყო ქართველ მწერალთა და საზოგადო მოღვაწეთა ხელთნაწერებით: იოანე ბატონიშვილის, ანტონ კათალიკოსის, ილია ჭავჭავაძის, აკაკი წერეთელის, იაკობ გოგებაშვილის, ნიკო ნიკოლაძის და სხვა მრავალ ცნობილ ქართველთა. მთელი ეს არქივები, ისტორიული დოკუმენტები, დღეს შეუბრალებლად ნადგურდება თურმე. გვაცნობს თბილისის ორგანო «კომუნისტი»-ს კორესპოდენტი. და ნადგურდება მოუვლელობის გამო. «იატაკზე ჰყრია, ჩრჩილი სუამს, მტვერი ეყრება, ან წვიმა რეცხავს». აქამდე უბრალო კატალოგიც ვერ შეუდგენიათ თურმე. ნუ თუ არავინ გამოჩნდება გულშემატკივარი რომ გადაარჩინოს ჩვენი კულტურის ნაშთები.

პლენია სიმინდზე და ღვინვზე.

საბჭოთა ხელისუფლების მორიგი ყურადღება დღეს სიმინდზე და ღორებზეა მიპყრობილი. პოეტმა ლეონიძემ ზემოხსენებულ ყრილობაზე საყვედური გამოუცხადა ქართველ

მწერლებს. რომ ისინი ცხოვრების ზედაპირზე ცურაობენ თუ რმე დასახალხო მეურნეობას დახმარებას არ უწევენ. აი მისი სიტყვები: «ცნობილია როგორ უყვარს ქართველ ხალხს სიმინდი, ეს კეთილშობილური მცენარე. სიყვარული სიმინდით, სადმი ჩვენ ხალხს არა ერთხელ აღუნიშნავს თავის პოეტური სიტყვითაც. სიმინდს ქართველი ხალხი უწოდებს «ასლამაზას» ე. ი. ასჯერ ლამაზს ვინემ სხვა მცენარეა. ჩვენ მწერლებს კი სიმინდის შესახებ ხელმოსაცემი არაფერი დაგვიწერია» ო. მწერლობამ ხელი უნდა შეუწყოს სამეურნეო პროდუქციის აწევასო, დასძენს პოეტი ლეონიძე.

დღეს კომუნისტებს დიდათ ესაუიროებათ სანოვაგე. ამ გვემის შესრულებაში პოეტებმაც უნდა მიიღონ მონაწილეობა და სწერონ ლექსები, პოემები, პიესები და რომანები სიმინდზე და ღორებზე. აი როგორ აბსურდამდე მიდის «ხელ ოვნების ზელმქვენელობის» თეორია.

რეაბილიტაცია.

1938 წლის სისხლიანმა წელმა მრავალი ქართველი იმსხვერპლა. განსაკუთრებით განადგურდა ქაოთული ინტელექტუალური ძალები. ამის მიზეზი თურმე ბერია ყოფილა. საბჭოთა დღევანდელი მესეფურები მის მსხვერპლ თრეაბილიტაციას უკეთებენ კვლავ იბეჭდება საბჭოთა გამომცემლობაში მიხეილ ჯავახიშვილი, პაოლო იაშვილი, ტიცინა ტაბიძე და სხვანი.

ერთმა სიტყვა მოსწრებულმა უცხოელმა სთქვა: «რუსეთში, ძველათ იმპერატორთა ხელისუფლება განისაზღვრებოდა დაბოჩობით. დღეს კი საბჭოთა კავშირში, დიქტატორთა ხელისუფლება განისაზღვრება ურთიერთ განადგურებით» ო. ასეთია რუსული ტრადიცია. ხოლო ჩვენთვის, ქართველთათვის არაადედა ის არის რომ, კომუნისტური მეთაურობის ერთმანეთში ანგარიშების გასწორებას, მრავალი უდანაშაულო ქართველი ეწირება.

ლ. ნ.

დ. გურამიშვილის დღე.

კვირას. იანვრის 29 ს ქათოლიკური ინსტიტუტის, ერთ-ერთ დარბაზში. «ქართველ მწერალთა და ჟურნალისტთა კავშირი»-ს თაოსნობით, გამართულ იქმნა დ. გურამიშვილის დაბადებიდან 250 წლის თავის აღსანიშნავად სალიტერატურო-საზეოო საღამო. კავშირის საპატიო თავმჯდომარე ბ. რ. გაბაშვილმა მკაცრ სიტყვით მიმართა საზოგადოებას, განუშარქა დ. გურამიშვილის პიროვნება და მისი ეპოქა. კავშირის გამკეობის თავმჯდომარე ბ. გ. ყიფიანმა წაიკითხა ბ. გ. ნიზა-

ძის მიერ შედგენილი დ. გურამიშვილის მეტად შინაარსიანი ცხოვრება და მისი ეპოქის საქართველოს პოლიტიკური ვითარება. მდიდარი მასალით აღსავსე, და მოხდენილად, გონება-გრძობათა ზომიერად შეთანხმებითა და პატრიოტულ ის სულით დაწერილმა მოხსენებამ საუცხოვო შთაბეჭდილება მოახდინა საზოგადოებაზე.

ბ. პ. სარჯველაძემ წაიკითხა მის მიერ დაწერილი «დ. გურამიშვილის ლიტერატურული შემოქმედება, ქართული პატრიოტულის გრძობითა და გონებით, მწერლის მოხდენილი კალმით დაწერილმა და ცოცხალი ენით წაითხულმა მოხსენებამ მეტად კარგი დაფასება კპოვა საზოგადოებაში

სულიერად დაკმაყოფილებულ და დამშვიდებულმა საზოგადოებამ დიდის სიამოვნებით მოისმინა შემდეგი ლექსები: «შიო მღვიმის და ზედაზენის ქედებს» დიდის ტემპიტ წაკითხული რ. სტურუს ასულის მიერ; «დავით გურამიშვილს» (ფრანგულად) გრძობით წაკითხული თვით ავტორის ნ. ლაბაძის ასულის მიერ; «სწავლა მოსწავლეთა» თ. პატარიძის ასულის მიერ წყნარათა და მოხდენილად წაკითხული.

ამ ახალგაზრდა ლექსთა მკითხველებს მოჰყვენ უფროსი თაობიდან: ბ. ნ. მამულაშვილი, რომელმაც გარკვეულად წაიკითხა ვაჟა ფშაველას ლექსი მიძღვნილი დ. გურამიშვილისადმი; ბ. ვ. ლაბაძე, გრძობათა თქვილი განცდით, რომ გადმოგვცა პოეტ სვიმ. ჩიქოვანის ორი ლექსი. ლექსთა განყოფილება დასრულდა გ. ყიფიანის მიერ წაკითხულ გურამიშვილისადმი მიძღვნილი ლექსით, საზოგადოებამ მსურველე ტაშით დააჯილდოვა პოეტი.

ბ. ლ. ბელიაშვილმა წაიკითხა საქართველოში თანამედროვე ცნობილი მწერლის მისი ძმის ა. ბელიაშვილის მოთხრობა «უკანასკნელი ნატერა» (რუსეთში მყოფ მოსუცი დ. გურამიშვილისა).

საღამო მეტად მწყობრათა და წესიერად ჩატარდა, ყველაფერი წინასწარ მოფიქრებული და გაზომილი იყო მომწყობთა მიერ. ქართული საზოგადოება მეტად ნასიამოვნები და კმაყოფილებით აღსავსე დაიშალა.

«ივერია»-ს რედაქცია უღრმეს მადლობას უცხადებს საღამოს მომწყობთ და უსურვებს ნაყოფიერ მუშაობას ახლად არჩეულ მწერალთა და ჟურნალისტთა კავშირს. საჭიროდ მიგვაჩნია ამ საღამოზე წაკითხული მასალების ერთ წიგნათ გამოცემა და დ. გურამიშვილისადმი მიძღვნა ქართული ემიგრაციის მიერ. ამის განხორციელება «მწერალთა და ჟურნალისტთა კავშირისათვის» მიგვინდვია.

დამხწრე.

ს ა მ ძ ი მ შ ე ბ ი :

«ივერია»-ს რედაქცია უღრმეს მწუხარებას გამოსთქვამს, ქართველი ქალის სრული განსახიერების არიანა წულუკიძის ასული ურატაძის უდროვოდ გარდაცვალების გამო. გულითადს თანაგრძნობას უცხადებს ბ-ნ გრ. ურატაძეს და მათი ოჯახის წევრებს.

ეროვნულ-დემოკრატიული პარტიის საფრანგეთის კომიტეტი და «ივერია»-ს რედაქცია გულითად თანაგრძნობას უცხადებს მის წევრსა და თანამშრომელს ბ-ნ სევ. ჭირაქაძეს, საქართველოში მისი საყვარელი მამის გარდაცვალების გამო.

23 იანვარს, ლევილში გარდაიცვალა დავით რევაზაშვილი. ჩვენი რედაქცია მწუხარებას გამოსთქვამს მისი სიკვდილის გამო. განსვენებულმა მისი სიცოცხლის ემიგრანტობის ხანა შეუჩერებლივ მიწაზედ მუშაობაში გაატარა. მისი შრომის ნაყოფი, მის მიერ შექმნილი მიწების სახით უპატრონოდ დარჩა. ასეთი შემთხვევა ქართულ ემიგრაციაში პირველი არ არის. ანდერძის დატოვება ადამიანს არ მოკლავს და ჩვენს ღირს ქართულ ემიგრანტულ საზოგადოებასი შეიძლება, ზოგიერთ შემთხვევაში, რაიმე შესძინოს.

მღწაწდი თაღბის აღწრდის საკითხი.

ემიგრაციის მოზარდი თაობის ქართულად აღზრდისა და გათვითცნობიერების საქმე მრავალჯერ იყო წამოყენებული და იმდენჯერვე შეწყვეტილი. ამ საქმიანობაში დიდი ღვაწლი მიუძღვის ქალბ. სოფიო კედიას, განსვენებულ ვახ. ლამბაშიძეს, ბ. სამ. ფირცხალავას და რამოდენიმე წლის განმავლობაში არსებულ მშობელთა კომიტეტს. კოლონიის უკანასკნელ კრებაზედ მოსწავლე ს. მელიაფას გაბედულმა გამოსვლამ და საყვედურომა, სჩანს მკვდარი წერტილიდან დასძრა ეს საქმე. კოლონიის გამგეობის მიერ მოწვეულმა, მშობელთა და მასწავლებელთა კრებამ დაადგინა გახახლებულ იქმნას ქართული სკოლა, ამ მიზნით აირჩია კომისია და დაავალა მისი დადგენილების სისრულეში მოყვანა.

«ივერია»-ს რედაქცია იმედით ეგებება ამ საქმიანობის წამოწყებას. მოუწოდებს ქართულ საზოგადოებას ყოველგვარი დახმარება აღმოუჩინოს ხსენებულ კომისიას და ხელი შეუწყოს ქართველი ბავშვების ქართულად აღზრდა-განსწავლის საქმეს.

ვ. მარამიძის მოხსენება.

გასული წლის 28 ოქტომბერს Societes Savants-ის დარბაზში, ახალგაზრდა გოგი შარაშიძემ წაიკითხა მოხსენება შემდეგ თემაზე: «წმიდა გიორგის კულტი მთაში». მოხსენება იყო მეტად აკადემიური ხასიათის. მაგრამ წაკითხულმა დინჯი. დარბაისლური და გასაგები ენით, ფრიად კარგი შთაბეჭდილება დასტოვა მსმენელებზე.

«ივერია»-ს რედაქცია მიესალმება ამ ახალგაზრდა ქართულის გამოსვლას და უსურვებს წინსვლას.

«ქართული აზრი».

ჩრდილო ამერიკიდან მივიღეთ ჩვენი მეგობრების მიერ იმ კონტინენტზე პირველად დასტამბული ქართული გაზეთი «ქართული აზრი»-ს პირველი ნომერი.

«ივერია»-ს რედაქცია მიესალმება მის მოძმე ორგანოს და უსურვებს ნაყოფიერ შემოაბას.

საქართ. ეროვნულ-დემოკრატიულ პარტიაში.

წ. წლის მაისის 28-ს ეროვ.-დემ. პარტიის პარიზის ორგანიზაციის კომიტეტის მიერ, მოწვეულ იქმნა საფრანგეთში მცხოვრებ წევრთა წლიური ყრილობა. რომელსაც დაესწრენ პროვინციებში მყოფ წევრთა წარმომადგენლებიც ყრილობამ მოიწონა და დაადასტოვა, პარტიის მიერ აღებული პოლიტიკური პოზიცია და იაზი. დასტოვა პარიზის კომიტეტი მისი მთლიან ხელმძღვანელობით; დაადგინა შევსებულ იქმნას კომიტეტი პროვინციებში მყოფი ორგანიზაციების წარმომადგენელთაგან და ეწოდოს მას საფრანგეთში მცხოვრებ პარტიის წევრთა კომიტეტი. დაავალა შევსებულ კომიტეტს განაგრძოს იმავე პოლიტიკურ პლატფორმაზე და იმავე ხაზით მუშაობა შინაურ და საგარეო ასპარეზზედ. გააგრძელოს მუშაობა ეროვნულ-პოლიტიკურ ძალთა ერთობის აღსადგენად, პარტიის ძირითადი ეროვნულ-პოლიტიკური პრინციპების და დებულებების შეურყევლად დაცვით.

პარიზის კომიტეტი დაუყოვნებლივ შეუდგა ყრილობის მიერ დავალებათა აღსრულებას. მიიწვია ხელმძღვანელ ორგანოში ახალი ძალები პარიზიდან და პროვინციებიდან მათ შორის მთავარი კომიტეტის დარჩენილი რომოდგენივე წევრი. შეადგინა 15 კაცისაგან საფრანგეთის კომიტეტი. შეავსო «ივერია»-ს სარედაქციო კოლეგია. მიიღო ზომები ყურნალის რეგულირებად გამოცემისათვის და წარმოებული პოლიტიკურა პუბლიკის გასაჯობლოდ.

რედაქცია მისამართი

V. Choubladze 35, rue du Banquier, Paris (13).

Imprimerie Coopérative Arpajonnaise, Arpajon.

Handwritten blue ink scribble or signature.